



FACES & NAMES

ვიზუალური ხელოვნება

2011

2010

2008-2009

აქცენტი-დეცენტრალიზაცია ხელოვნებაში

დავით ჩინლაძე
ქურნალი ცხელი
მოკოლადი-
ექსკლუზიურად
"სახე(ლო)ებისთვის"



ხელოვნების ზღვა ფოთში

2010 წელი, ალბათ, ყველაზე ნაკლებად დატვირთული იყო ბოლო პერიოდის საქართველოს საგამოფენო ცხოვრებაში, არა იმდენად რაოდენობრივად, არამედ ენერგიის და იდეების ინტენსივობის მხრივ. თუმცა, წლის ყველაზე მნიშვნელოვანი არტ მოვლენა, არტისტერიუმი კვლავ ინარჩუნებდა აქტუალობას და ლიდერის პოზიციებს, რაც, პირველ რიგში, მისი კურატორის მაგდა გურულის კონცეპტუალური სიზუსტის და ლაკონურობის შედეგია. გაჩნდა უცნაური ტენდენციებიც, მათ შორის, გალერისტთა ერთგვარი ექსიზიციონიზმი - გალერეა 9-ს გამოფენა მარინა ამზაშვილის კურატორობით, რაც, როგორც ჩანს, 2011 წელსაც პოვნებს განვითარებას. ყველაზე ინოვაციური და ახალგაზრდული კი ზაფხულში, ამავე გალერეაში გამართული ჯგუფური გამოფენა იყო გიორგი კეკელის ჯგუფის მხატვრების მონაწილეობით, სახელწოდებით 1ნბეტწენ, რომელსაც ქეთო ლოგუა კურატორობდა.

4-14

ავვისტოს
ფოთში



თანამედროვე ხელოვნების ვორკშოპი მოეწყო სახელწოდებით "ხელოვნების ზღვა". ეს მოვლენა ახალგაზრდა ორგანიზაციის "არტაქტივის" ორგანიზებულია, რომელსაც ნიკო ცეცხლაძე და ლუკა ზაუტაშვილი კურატორობენ. მათი პროექტები დედაქალაქიდან რეგიონებისკენ თანამედროვე ხელოვნებისა და მის ირგვლივ არსებული დისკურსების გატანას გულისხმობს. დეცენტრალიზაციის ასეთი მომენტები, იმის გარდა, რომ დემოკრატიის მოძღვრებას თანხვედბა, მით უფრო საჭირო და მისასალმებელია, თუ იმასაც გავითვალისწინებთ, რომ ჩვენს ქვეყანაში თანამედროვე კულტურის დეფიციტი დედაქალაქის სიტუაციას მრავალგზის აღემატება. ეს იყო ორკვირიანი პილოტი პროგრამა ფოთში, რომელიც მომავალ წელს ფართო მასშტაბით უნდა ამოქმედდეს. თუმცა ესკიზური სამუშაო შარშან უკვე ჩატარდა, წლებანდელი ვორკშოპი მაინც გაცილებით კონვერტირებადი იყო ჩვენი თანამედროვე ხელოვნების სტანდარტებისთვის. ვორკშოპის გახსნა I ავვისტოს სიმბოლურად დაემთხვა შავი ზღვის ქვეყნების თანამედროვე ხელოვნების ყოველწლიური ფესტივალის დაარსებას. ვორკშოპი საქართველოს კულტურის სამინისტრომ დააფინანსა და მას სხვადასხვა სახის სპონსორები და მხარდამჭერებიც ჰყავდა.

ფოთი - ეს ის ადგილია, სადაც ურბანული პოტენციალი ამკარაა, თითქმის არ არსებობს ქალაქის ინფრასტრუქტურა, ულტრა-თანამედროვე ხელოვნების მიმართულებებზე საუბარი კი ცოტა უტოპიურად ქედრს, სადაც, უბრალოდ, არათუ გარემო და სათანადო სივრცე, თვით აუდიტორიაც კი დეფიციტია. პროექტის მიზანი კი, როგორც აღვნიშნეთ, ის არის, რომ

საქართველოს დედაქალაქიდან მოშორებულ რეგიონებში სწორედ ასეთი გამაცოცხლებელი იდეები და ღონისძიებები შეიტანოს, აღმოაჩინოს ის მხატვრები, რომლებსაც იძულებით კულტურულ იზოლაციაში უზღუდათ ყოფნა და არანაირი ინფორმაციული გაცვლა არა აქვთ თანამედროვე ხელოვნების პროცესებთან. აუდიტორიაც ხომ, მნიშვნელოვანწილად, ასეთი ინფორმაციის ვაკუუმის შედეგად არის გამჭრალი.

ქალაქი ფოთი უზარმაზარ ტერიტორიაზე არის გაშენებული და მისი ცენტრალური მოედნისკენ 12 გზა მიემართება. ცენტრში ფოთელებმა საკუთარი 1904 წელს აშენებული საკათედრო ტაძარიც აღადგინეს. რომელიც კომუნისტების დროს თეატრს ჰქონდა დაკავებული და მისი რეკონსტრუქცია უკვე დასასრულს უახლოვდება. იქვე თეატრის ახალი შენობაც შენდება. რა თქმა უნდა, აქ არის პორტი, საზღვაო ინდუსტრიის ნაწილი და იდუმალებით მოცული პალიასტომის ტბა, რომელიც აქ მოხვედრილი ტურისტების ყურადღებას იქცევს. ეს ანტიკური ქალაქია, ფაზისი, სადაც მზის ღმერთის, ჰელიოსის მემკვიდრე მითითური მეფე აიეტი და ჯადოქრობით სახელგანთქმული მისი და, ცირცეა, ცხოვრობდნენ. აქედან გაიტაცა ოქროს საწმისი აიეტის ქალიშვილმა მედეამ და ბერძნებს გადასცა. ქალაქი თითქმის ამ წარმოსახულ და არარსებულ ანტიკურ დროშია გაჩერებული და აქ არც კომუნისტების უახლოესი პერიოდი იგრძნობა. არანაირი არტეფაქტი არ არის შემორჩენილი. უბრალოდ, ცარიელი ადგილია, სადაც ერთადერთი, რაც წარსულზე მიანიშნებს, მალთაყვის საკურორტო კომპლექსია თავისი ულამაზესი ვრცელი ბაღით, სადაც მრავალი სახეობის ხე და მცენარე ზრდობს. მეორე კი ოქროს ტბის ქანაირი ნიღია, რომელიც 1991 წელს გამართულ სანიტოზონო საკავშირო ჩემპიონატს ახსენებს ზოგიერთს.

ვორკშოპის პირველი დღე



მონაწილეთა პროექტების გაცნობას დაეთმო, თუ რის განხორციელებას აპირებდნენ მხატვრები გამოფენაზე. ფოთელმა მხატვრებმა გრიგოლ ღვანიამ და ქეთი ჩრელაშვილმა საკუთარი და თავისი კოლეგების ესკიზები წარმოადგინეს, რაც ქალაქის ქუჩებისა და აუთვისებელი ტერიტორიების დეკორატიული-არქიტექტურულ ჩანახატებს და იდეებს მოიცავდა. ფოთის თავისუფალი ინდუსტრიულ ზონად ოფიციალური გამოცხადების პარალელურად ეს თემა მართლაც მნიშვნელოვანი გახდება მომავალში. ფოთის ურბანისტული განაშენიანების პროცესისთვის. ამ მხრივ არტაქტივის-საინიციატივო ჯგუფი უკვე გეგმავს კიდევ, რომ მომავალ შეხვედრებზე პროგრამაში ფართოდ ჩართოს არქიტექტორებიც, რომლებიც სწორედ ამ კუთხით მუშაობას და ურთიერთთანამშრომლობას დაუთმობენ დროს.

მომავალ წელს ვორკშოპი `ხელოვნების ზღვა`-უკვე ფესტივალად გადაკეთდება. მასში მონაწილეობას მიიღებენ პოეტები, მხატვრები, მუსიკოსები, თეატრები, როგორც საქართველოდან, ასევე უცხოეთიდან. საორგანიზაციო საკითხების მოსაგვარებლად არტაქტივის-ხელმძღვანელებს უკვე აქვთ საქმიანი დიალოგი ქალაქის მერთან გოჩა ლემონჯავასთან და კულტურის განყოფილების ხელმძღვანელთან მერაბ ასანიძესთან, რომლებმაც წელს უკვე აღმოუჩინეს მნიშვნელოვანი მხარდაჭერა და ხელშეწყობა პროექტს. სასიხარულოა, რომ თანამედროვე ხელოვნების პროგრამას მრავალი სპონსორი და დამხმარე აღმოაჩნდა საქართველოს კულტურის სამინისტროსთან ერთად: ფოთის პორტი, თი-ბი-სი ბანკი, კოკა-კოლა, ლო-უენბრაუ, ნატანტარი... ყველაზე ახლოგაზრდა მონაწილე ოზურგეთიდან იყო, 17 წლის ელისაბედ გეგუჩაძე. ახლოგაზრდა მხატვრისთვის, რომელიც ოზურგეთის სამხატვრო სკოლაში სწავლობს და სპონტანური აბსტრაქტული ხატვით გულწრფელად არის გატაცებული. ეს ვორკშოპი ერთგვარი კარი იყო, საიდანაც მას სასურველ სამყაროში შეუძლია გადავიდეს. გამოფენის გახსნამდე რამდენიმე საათით ადრე, სადაც მისი დებიუტი შედგა და სადაც ვორკშოპის პერიოდში გადაღებული ფოტოები იყო გამოფენილი, ის მუსიკოს ვაჟა ბექაურთან ერთად პანსიონატის ეზოში დადგმულ ყვავილების ურნებს ხატავდა.



ოქროს
ტბაზე
გადებული
ქანგისანი
ხიდის
(ბრუკლინის
თუ
მანჰეტენის
ხიდის
იმითაცის
რომ

მოგვაცნობს) მოხატვას ქუთაისელი ახალგაზრდა მხატვარი თეა სულაბერიძე. ცხადია, ვერ შეძლებდა, თუმცა მისი ერთი ბეტონის პოსტამენტი თეამ ლირიკული ფერწერის პანოდან აქცია, რაც რამდენიმე დღის განმავლობაში დამსვენებლებს ახალისებდა, სანამ ფოთში ნანატრი წვიმა მოვიდოდა.

14 აგვისტოს შემაჯამებელი გამოფენისთვის კი თეამ პორტრეტები მოამზადა, რომლებიც არათანაბარი კიდების მქონე მუყაოზე შეასრულა, ამ პორტრეტებში იქ მყოფი მეგობრები და მხატვრები ასახა, პალიასტომის ტბაზე გასეირნებისას თუ ვანშამზე, მაგიდასთან. თავის თავსაც ხატავდა ამ პორტრეტებში, მაგრამ ყოველთვის - ზურგით მხანველისაკენ. არ ვიცე, რას ნიშნავდა ეს ქესტი, მაგრამ ნამდვილად პოეტური იყო - თითქოს ის ზურგს აქცევდა იმ უინტერესო სამყაროს, სადაც ჩელოვნება არ არის და რაც ამ ვორკშოპის დღეების მიღმა კვლავ ძალზე რეალურია, ანდა ოცნებობდა, რომ ჩელოვანსაც სჭირდება ვინმე გარეშე, ისეთი დამთავალიერებელი, ვინც მასაც მოაქცევს კადრში დახატულ კოლეგებთან და მეგობრებთან ერთად, როგორც ეს ფოტოს გადაღების დროს ხდება, უცხო რომ ვთხოვთ ხოლომე გადაღებას.


მხატვარმა კატალინა ბაქრაძემ ფოთის სამხატვრო გალერეაში აუდიტორიის წინაშე საკუთარი ფილმები წარმოადგინა. ამ შეხვედრაზე საინტერესო იყო მხატვრის კომენტარები, სადაც ის საკუთარ მოტივაციებს და სამხატვრო კონცეფციებს გვიხსნიდა. ამავე დღეს იყო გურამ წიბახაშვილის ავტორისეული მცირე რეტროსპექტივაც, სადაც ფოტოგრაფმა არაფოკუსირებული ფოტოების სერიაზე ისაუბრა, რითაც ბოლო დროს იყო გატაცებული და რასაც ის ასაკობრივ მხედველობის დაქვეითებას უკავშირებს. მან ასევე სლაიდების სახით ნაპოვნი ფოტოების საინტერესო არქივიც გვაჩვენა, რაც მისთვის ტექსტისა და ფოტოს მეტაფორული ურთიერთობის ინსპირაცია გახდა, როდესაც ფოტოგრაფი ძველი ფოტოების შინაარსს სხვა დამატებითი ტექსტობრივი შინაარსით აღჭურვავს. გურამ წიბახაშვილის საუბრები და ჩვენებები ყოველთვის მიმზიდველი და პოეტურია, აქ არ არსებობს არანაირი ერთფეროვანი ვაკუუმი და მართლაც ბევრი რამ პოულობს ურთიერთკავშირს.

გამოფენის გახსნაზე გამორჩეული იყო თემო ჯავახიშვილის ნამუშევრები `ტერ-არტი~ და ყინულის ბალიში. `ტერ-არტი~ ბატიბუტის კუსტარული ტექნოლოგიის გამოყენებით გაკეთდა. ოქროს ტბის ნაპირზე მხატვარმა სიმინდის მარცვლებით ნამუშევრის სახელწოდება განალაგა რკინის ლანგარზე, რომელსაც მერე ცეცხლი შეუწითო და ცოტა ხანში სიმინდის მარცვლებით დაწერილმა სიტყვამ აფეთქება დაიწყო. ბატიბუტის კონცეფცია თემო ჯავახიშვილს ადრეც ჰქონდა, 2005 წელს არტ კავკასიის ფესტივალზე, სადაც ერთად მოგროვილი სიმინდის მარცვლებს დინამიტის მავთული ჰქონდა გამოზმული და ამ ნამუშევარს `პოპ-ტერორი~ ერქვა. ყველა ამ სიმბოლოდან გამომდინარე, მხატვარი თითქოს პოპ-არტს აპროტესტებს, როგორც იაფფასიან და დაუსრულებლად განმეორებად სატყუარას. პროტესტი მძაფრია, რადგან ეს ყველაფერი ტერორად არის გაფორმებული. საერთოდ, ნამუშევრებში ასეთი შინაარსების წაკითხვა, შეიძლება, მაყურებლისთვის დამღწევი იყოს, მაგრამ თემო ჯავახიშვილის შემთხვევაში ასეთი შინაარსები ძალზე გამოკვეთილია საკუთარი სიმბოლოებით. ამიტომაც, ნუგატივ გვენტაძე ერთადერთი აუდიტორია აღმოჩნდა, ვინც დაუყოვნებლივ წაიკითხა ეს.

თბილისელ



ახალგაზრდა მხატვარს ანა სოფრომაძეს ყველაზე მეტი ფიზიკური შრომა მოუხდა. მისი დიდი ზომის და მოდელიორების ტუშით შესრულებული ესკიზების სტილში გადაწყვეტილი შავ-თეთრი ინსტალაცია ოქროს ტბის მიმდებარე ტერიტორიის პროპორციული შევსებისთვის იყო გამიზნული. მაგალითად, ამ უნიკალური დაქანებული ხიდიდან ტბისკენ უნდა ჩამოკიდებულიყო შავი ფერის ფიგურები – კაცის, ქალისა და ძაღლის. სხვაგან, შენობის კედელზე ცოტა მომცრო ზომის დინოზავრი უნდა ყოფილიყო მიმაგრებული. ამ საგნების მომზადებას და კარკასზე დამონტაჟებას დღეები დასჭირდა. ხშირად 40 გრადუსიან სიცხეში, კოლოების თანხლებით, თაკარა მზეზე. საბოლოო ჯამში კი ძალისხმევამ გაამართლა - ექსპოზიცია შორიდანაც მკაფიოდ ჩანდა და მიუხედავად იმისა, რომ ფოთის მას-შტაბებისთვის ნებისმიერი სამხატვრო ჩარევა სივრცეში ზღვაში წვეთია, ამ ინსტალაციას ძალზე გამოკვეთილი და შთამბეჭდავი ხასიათი ჰქონდა. ვორკშოპის დღეებში ასევე მოეწყო პოეზიის საღამო, მხატვარმა ილიკო ზაულაშვილმა წაიკითხა ლექცია თანამედროვე ხელოვნების ზოგადი არსის ასახსნელად. 8 აგვისტოს ვორკშოპის მონაწილეები ქალაქის თვითმართველობის მიერ ორგანიზებულ 2008 წლის 8 აგვისტოს ომისადმი მიძღვნილ აქციას შეუერთდნენ და სახელდახელო სიმბოლური ბანერიც დაატეს ომის თემაზე. პროგრამას გასართობი დღეები და ივენთებიც კარგად ჰქონდა ორგანიზებული: 13 აგვისტოს მალთაყვის შავი ზღვის სანაპიროზე თბილისიდან მოწვეულმა დიჯეი ჟორჟიკმა დამის ფართი მოაწყო. 14 აგვისტოს საღამოს კი ინგლისურმა ბენდმა "მოკინზერდისმა" დაამთავრა ფოთის "ხელოვნების ზღვის" პროგრამა.



"მოკინზერდისის" დახურული კონცერტი ჯერ ფოთის იანტ-კლუბში მოეწყო, შემდეგ კი უკვე ფართო, უფასო ჩვენებით ფოთის ცენტრალურ პარკში განმეორდა. უნდა ითქვას, რომ რეპეტიციებზე თითქოს მეტი იყო დრავი, რაც კონცერტს თითქოს აკლდა. ახლა ზუსტად ვერ ვხვდებით, რას უნდა გამოეწვია ასეთი განსხვავება. შეიძლება იმას, რომ ეს ინდი როკის დეპრესიული ახალგაზრდული ბენდი უფრო სტუდიური ხასიათისაა? მართლაც, აქ რიტმ-

სექცია ჩაწერილი იყო და კომპიუტერიდან იმართებოდა, სცენაზე მხოლოდ ერთი გიტარისტი ჩანდა, ზედმეტად ინტენსიური და მონოტონური იყო პირის ჰარმონიკა და ბლუზის და ამერიკული ფოლკის ეს ინსტრუმენტი ინდი როკის სტილის თითქოს არც ისე შეესაბამებოდა. რაღაც უზილავი ხელისშემშლელი ფაქტორი იყო, რაც რეპეტიციებისა და კონცერტის შედეგადობას ერთმანეთთან ამოვრებდა, რაც იმასაც მაფიქრებინებს, რომ მიზეზი შეიძლება ტექნიკური მოუგვარებლობა ყოფილიყო სცენის სივრცესთან.

გარიელი სივრცე არტისტული დიზაინისთვის

18 მარტს თბილისის სახელმწიფო სამხატვრო აკადემიაში ვატო წერეთლის კურატორობით პროექტი "გარიელი სივრცე" განხორციელდა. ამ ერთდღიანი გამოფენის თავდაპირველი დიზაინი ბრიტანეთის საბჭოს ინიციატივა იყო, რაც მიზნად ისახავდა თანამედროვე ხელოვნების პოპულარიზაციას მოსახლეობის ფართო ფენებისათვის. კერძოდ, საუბარი იყო იმაზე, რომ როდესაც მოსახლეობის ძირითადი ნაწილი იაფფასიანი მას-კულტურის გემოვნების ერთგვარი ტერორის ქვეშ იმყოფება, მომხდარიყო პოეზიის და საერთოდ ხელოვნების შეჭრა ასეთ მოულოდნელ ტერიტორიებზე. გამოფენა ორ ნაწილად გაიყო. პირველი და ძირითადი ნაწილი სამხატვრო აკადემიისთვის დაიგემა, სადაც ექსპონატების წარდგენა არა ჩვეულ საგალერეო სივრცეებში, არამედ შენობის სხვა, არასაგამოფენო ადგილებში უნდა მომხდარიყო. ვთქვათ, დერეფნებში, აივანზე, ეზოში და ა.შ. საბოლოოდ, ამისთვის სამხატვრო აკადემიის ერთი ყველაზე მოძრავი და ტრანზიტული დერეფანი შეირჩა, სადაც დღის განმავლობაში მრავალ სტუდენტს უწევს გავლა. აქ გამოფენილი იყო მამუკა ჯაფარიძის, კოტე მინდაძის, დიმა დადიანის, გიორგი კეკელიძის, ვატო წერეთლის სამხატვრო და პოეტური ნამუშევრები.

გამოფენის მეორე ნაწილი კი თბილისის მეტროპოლიტენის სადგურებზე არსებული მონიტორებისთვის იყო გათვალისწინებული, რისთვისაც მამუკა ჯაფარიძის ნამუშევარი "სახელები" შეირჩა. ეს ნამუშევარი მართლაც წარმატებული აღმოჩნდა თვით აკადემიის სივრცისთვისაც, სადაც ის გამოფენის ორივე კონცეფციას თვალნათლად ენმანებოდა – დაემყარებინა კავშირი ხალხთან და ყოფილიყო გარკვეულწილად პოეტური. ამისთვის მხატვრმა ვიდეო ფირზე აღბეჭდა კადრები, სადაც ნაჩვენებია ხეებზე და გარემოს სხვა ზედაპირებზე ადამიანების მიერ ამოჩანადილი საკუთარი სახელები, რითაც ისინი საკუთარი თავის და იქმყოფობის უკვდავყოფას ცდილობენ. ეს ერთგვარი ეგოისტური თუ

ეგზისტენციალური სკრაჩიტების სერია ასევე თანხლებული იყო აუდიო მასალით, სადაც მხატვარი ამ სახელებს იძახის ან შეიძლება ითქვას, რომ ეძახის ამ ადამიანებს. აკადემიის ეზოში გამაძლიერებელი მართლაც მოუწმობდა ამ ადამიანებს: "ზურა!~", "დავით!~", "ელენე!~", "მაია!~". მეც რამდენჯერმე უნებურად მივიხედე, როდესაც ეზოში ვიყავი. როდესაც დამთვალა იერებლები შემოდიოდნენ გამოფენის დასათვალაოებლად, მამუკა ჯაფარიძე ზოგჯერ მოთამაშე ირონიით ეკითხებოდა მათ: "რატომ მოხვედით? დაგიძახეს?" ~ცხადია, ეს ნამუშევარი მეტროს სადგურებზე მეტ დატვირთვას და ირაციონალურობას შეიძენს, სადაც ის მგზავრები გამოფენის ნახვას უკვე ნამდვილად ვეღარ მოახერხებენ და ერთადერთი შანსი ის იქნება, რომ თვითონ ამ დაძახებებში ამოიგნონ საკუთარი თავიც და თანამედროვე წელოვნებაც. ვატო წერეთელი, რომელიც აქვე, აკადემიაში ხელომდევანელობს "კულტურის განვითარების კავკასიურ ცენტრს" ან მეორენაირად მაფ-ს (მედია არტ ფარმს), გამოფენაზე არქიტექტორ მიკა ყრუაშვილთან ერთად წარსდგა ნამუშევრებით, რომლის სახელოწოდებაც იყო "ნაცარქექიას სახლი~". მხატვრები შეეცადნენ, განეკითხებინათ ახალი სემანტიკის მითოლოგია ცნობილი ზღაპრული პერსონაჟის ატრიბუტიკის ირგვლივ. ვიზუალურად გამოფენის ეს მონაკვეთი ძალზე დამაჯერებელი და თხრობითი იყო, მიუხედავად იმისა, რომ არცერთი სიტყვა ან ილუსტრაცია არ ყოფილა გამოყენებული. თითქმის რამდენიმე სხვადასხვა ზომის სურათით მოცემულ ამ საგამოფენო მონაკვეთზე რაღაც ქალაქი თუ რეჟია იყო დახატული - ისტორიების, ფარული შინაარსებისა და ნაცარქექიას ზღაპრისთვის დამახასიათებელი სიმყუდროვის. მხატვარმა კოტე მინდაძემ ორი დიდი ზომის ქაღალდზე შესრულებული ტექსტობრივი ნამუშევარი წარმოადგინა, სახელოწოდებით "თვალეები" და "გამოცანა", რომლებიც ბრინჯის ქაღალდზე კალიგრაფიულად ასახულ ჩინურ პოეზიაზე წარმოქმნიდა ალუზიას და სკოლის მოსწავლის დღიურის კონცეპტუალურ გამოგონასაც წარმოადგენდა. ამ ქაღალდებზე კი ნამდვილი პოეტური ტექსტები იკითხებოდა, სადაც აღწერილი იყო სხვადასხვა ფერის თვალეები, მათი სურვილები და ის, რომ თვალეების უკან სულია ჩამწყვდეული. პოეტი გიორგი კეკელიძე "ქსელური ალუზიების" ტექსტობრივი სერიით იყო წარმოდგენილი, სადაც ის იკვლევს ან კმნის ინტერნეტთან და ემაილთან დაკავშირებულ შინაარსობრივ რიზომას, გამოგონილ მითოლოგიურ განტოტვებსა და ალუზიებს. ეს წმინდა პოეტური ტექსტები იყო, პრინტზე ბეჭდვის შედეგად ოდნავ გადიდებული შრიფტებით და საბეჭდი მანქანის მონოტონურობის თუ პოეტური თხრობის ინტიმურობის ეფექტით. მუსიკოსი დიმა დადიანი ფოტონამუშევრით წარსდგა დამთვალაოებლის წინაშე. მისი სერიულად განმეორებადი კადრი, სადაც ოქროს და იოლი სიმდიდრის სემანტიკის გარემოში გაჩვეული მამაკაცია გამოსახული. ნამუშევარს "ჩემი ოქრო ჩემთან~" ეწოდება და ნუვორიმული მერკანტილობის ერთგვარ სოციალურ თუ სულიერ კრიტიკასა და ამ სტატიის დასაწყისში ნახსენები მასობრივი კულტურის ცნობიერების ფსევდო ღირებულებების და მისგან წარმოებული მგრძნობელობითი ტერორის ერთგვარ დაცინვასაც წარმოადგენდა.





გამოფენაზე ჩემი
ნამუშევარიც იყო ნაჩვენები,
რომელსაც "ტყუპების
თეატრი~ ერქვა და ვიდეო,
ფოტო და ცოცხალი
პერფორმანსის
კომპონენტებისგან
შედგებოდა. ერთადერთი
ტექსტი, რომელიც აქ იქნა
გამოყენებული, იყო ის, რომ
გაკვირვებულ
მაყურებლებს ერთი და
იგივე შინაარსის ტექსტით
ვუხსნიდი, რომ ეს
ხელოვნური მოგლეჯილი
ხელი, რომელიც ერთ
ლარად ვიყიდეთ და

რომელიც, აშკარაა, ჰალოვინის ატრიბუტიკას წარმოადგენს,
ხელში იმიტირებ მიჭირავს, რომ, სხვა ნივთებისგან განსხვავებით,
მისი გადაღება დაგვავიწყდა და აქ პირადად მოვიტანე
საჩვენებლად.

ბრიტანეთის საბჭოს ხელოვნების პრო-ექტების მენეჯერის მაია
დარჩიასა და ვატო წერეთლის კურატორობით წარმოებული
გამოფენა "თავისუფალი სივრცე~ დინამიურობით და ახალი
დანიშნულებების ძიებით ავსებდა ერთ თავისუფალ ადგილს,
რომელსაც აქამდე მხოლოდ დერეფნის ან ეზოს დანიშნულება
ჰქონდა.

"ასიანი " გალაში

ბარათაშვილის წიდათა ახლოს, სანაპიროზე, კორტების
გადაღმა დაარსდა ახალი გალერეა "გალა". აპრილში კი მისმა
მფლობელმა დედიკა ბულიამ ერთი საყურადღებო არჩევანი
შემოგვთავაზა: თანამედროვე ხელოვნებაში მომუშავე
ფერმწერის უმანგი ხუმარაშვილის პერსონალური გამოფენა.
უმანგი ხუმარაშვილი ლირიკოსი ავანგარდისტი, რომელიც
მიმდინარეობებს არაფრად აგდებს და ქმნის მაღალ ფერწერულ
ხელოვნებას. 70-იანი წლებიდან დღემდე საკუთარი
ექსპრესიული პერფორმანსებით და მორიდებული
კონცეპტუალური გააზრებით უმანგი ხუმარაშვილი ერთ-
ერთია, ვინც თანამედროვე ქართული ხელოვნების მთავარ
მაგისტრალს ქმნიდა.

გალერისტმა დედიკა ბულიამ მხატვრის შესანიშნავად
აწყობილი ექსპოზიცია წარმოგვიდგინა. გალერეაში ქალაქზე
შესრულებული ნამუშევრების აბსტრაქციონისტული სერიებია
გამოფენილი, რომლებშიც თითქმის დიზაინი უფრო
მნიშვნელოვანია, თუმცა ექსპრესიული მონასმებით აქ რაღაც
ხმაურაინი ისტორიებიც იგულისხმება.

გამოფენას
სახელად
"ასიანი"
ჰქვია და
ძალზე



ტრივიალურად, ჩვენი დროისთვის კი მისაღები
მერკანტილობით იმას გულისხმობს, რომ აქ ყველა
ნამუშევარს ერთი ფასი აქვს და 100 დოლარი ღირს.
ამ გამოფენით დამთვალიერებელს საშუალება მიეცა, კიდევ
ერთხელ დაენახა უმანგი ხუმარაშვილი, რომელიც ამგვარად
ქმნიდა ახალი დროის მგრძნობელობას და მხატვრის
დღევანდელ მისწრაფებებთან კავშირებსაც უფრო
თვალნათლივ წარმოისახავს.

არტ-პროექტი "გალერეა 9"-ში

2010 წელს გახსნილი "გალერეა 9"-ში, რომელიც გუდიაშვილის 9
ნომერში მდებარეობს და სიმპათიურ და კომფორტაბელურ
სივრცეს წარმოადგენს, უნიკალური ჯგუფური გამოფენა შედგა
- სახელწოდებით "არტ პროექტი". აქ გამოფენილი
ნამუშევრების ავტორები თბილისში მომუშავე კურატორები,
გალერისტები, ხელოვნებათმცოდნეები ან კოლექციონერები
არიან. ცხადია, რომ ეს მხატვარ იური ბერიშვილის მიერ
ორგანიზებული რაღაც პოსტმოდერნისტული ექსპოზიტი იყო,
რომლითაც ამ ახალი გალერეის ბიოგრაფია დაიწყო.
გამოფენაზე ნაჩვენები იყო ბაია წიქორიძის, ვანდა მუჯირის,
ქეთი კორძაძის, დავით ანდრიაძის, არჩილ დარჩიას, ზაირა
ბერელიძის, ლიკა მამაცაშვილის, ია დვალის, მაია ნოზაძის, გია
ჯამბურიძის, დავით მუშკუდიანის, ნინო გუჯაბიძის, ნიკა
მაჭავარიანის, რუსიკო ოატის და თვით "გალერეა 9"-ს

კურატორის, მარინა ამზაშვილის ნამუშევრები - ანუ იმ პროფესიონალების, ვისი საქმიანობაც აქამდე მხატვრების ნამუშევრებზე იყო დამოკიდებული. ახლა კი, თუ გალერისტები ასე გადაწყვეტენ, მხატვრებს ნამდვილად ქუჩაში მოუწევთ დარჩენა. შეიძლება ეს რაღაც მინიმუმებაა - "ხელოვნება ხელოვნებისთვის" თეზისის ახალი, საპირისპირო თეზისი - "გალერეა გალერისტებისთვის". ან შეიძლება იმ მცდარ შეხედულებას ადასტურებს, რომ ყოველი კრიტიკოსი ვერმედიგარი მწერალია, ანდა გალერისტი - ვერმედიგარი მხატვარი. არ მგონია, რომ ამ გამოფენას ასეთი ფარული სურვილების ასრულების მოტივაცია ჰქონოდა. ეს უფრო ერთი კარგი და გამახალისებელი თამაში გამოვიდა, რომელიც მართლაც სჭირდება ჩვენს საზოგადოებას. სასურველია, ასეთი თამაშის უფლება გალერისტებმა მხატვრებსაც მისცენ. ეს, შესაძლოა, ნეგატიური და საშიში სულაც არ აღმოჩნდეს. "გალერეა 9"-ს ნამდვილად კარგი მონახაზი გამოუვიდა და დანარჩენს კი, როგორც იტყვიან, დრო გვიჩვენებს. სწორედ დრო ერთ-ერთი ყველაზე მთავარი ფაქტორია გალერისტებისთვის და საინტერესო იქნებოდა, სწორედ დროსთან, აქტუალობასთან და კონტექსტებთან მეტი მუშაობა, როგორც ამ ახალ გალერეაში, ასევე ზოგადად. რადგან დრო, ასე პირდაპირ, მხოლოდდა ფული არ არის, ის უფრო მყარი ვალუტის - ცხოვრებისა და მისი მშვენიერების ახალი წაკითხვების პირობაცაა.

გურამ წიბაშვილის "კერძო მუზეუმი"



12
თებერვალს
გალერეა
"ვერნისაჲი"
ახალ
მისამართზე.

ზუბალაშვილების 7-ში გურამ წიბაშვილის პერსონალურ გამოფენას მასპინძლობდა სახელწოდებით "კერძო მუზეუმი". ეს გამოფენა, პირველი რიგში, სტილისტურად იყო საინტერესო, რამდენადაც, მნიშვნელოვანწილად, წიგნის პრინციპით იყო წარმოდგენილი. შეიძლება ვინმემ ამას რეტროსპექტივა დაარქვას, მაგრამ გამოფენის ლირიკული და კამერული მასშტაბი ასეთ აკადემიურ თვალის გადავლებას თავიდანვე გამორიცხავდა. ეს უფრო კედლებზე გამოფენილი წიგნი იყო, სადაც ყოველი გვერდი არტისტის სხვადასხვა შემოქმედებითი პერიოდიდან იყო ამოღებული და ასეთ ერთიანობაში ახალ საგამოფენო კონტექსტს ქმნიდა. თანმხლები ფოტოები და ტექსტი კი ახალი მეტაფორების წყებასაც აჩენდა, რაც გურამ წიბაშვილისთვის დამახასიათებელი კომპონენტია. დამთავლიერებული აქ ნახავდა ჯოისის, რენე მაგრიტის, მან რეის, ნატურის, ქართული ფილმის და დასასრულის ციკლს და სხვ.

მთლიანობაში, ეს გამოფენა უფრო პოეტური იყო, ვიდრე - ფოტოგრაფიული. პოეტური, როგორც რაღაც ტექსტი. პირველად გურამ წიბაშვილზე 25 წლის წინ მომიხდა დამეწერა, როდესაც გამომცემლობა "მერანის"- საგამოფენო დარბაზში ის ჯგუფურ ფოტოგამოფენაში მონაწილეობდა. თუ არ ვცდები, ეს გამოფენა გეოლოგიურ პეიზაჟებს ასახავდა. მაშინ, როდესაც მხატვარს არც ვიცნობდი და არც მქონდა წარმოდგენა, რომ მომავალში მასთან არაერთი თანამშრომლობა დამაკავშირებდა, სრულიად გულოწრფელად აღვნიშნე, რომ ქართულ ფოტოგრაფიას ახალი სახელი შეემატებოდა. დღეს, როდესაც ამდენი დატვირთული წელი მიიღია, გურამ წიბაშვილი არ ღალატობს საკუთარ ტრადიციას, მოაგროვოს ცხოვრება და ადამიანების მდგომარეობები დროთა ცვალებადობაში და ის საკუთარ პოეტურ ტექსტებად დააღაგოს. თითქმის ფოტოგრაფია მხოლოდ წამს ან ერთ დღეს ასახავს. ამ ერთდღიანი გაღვივებების კადრები იყო აქ წარმოდგენილი, როგორც არტისტის პირადი მუზეუმი და ის, რომ გამოფენა მხოლოდ ერთი დღე გრძელდებოდა, თვით ფოტოგრაფიის არსის თავისებურ მეტაფორას ქმნიდა.

გოეთეს ინსტიტუტი


28 ივნისს გოეთეს ინსტიტუტში გაიმართა სემინარი "ხელოვნება საჯარო სივრცეში". შეხვედრას გერმანელმა კურატორმა პეტრა რაინენსპერგერმა გაუწია კურატორობა და სადამოც სწორედ მისი მოხსენებით გაიხსნა. მან მოგვითხრო იმ გამოცდილების შესახებ, რაც მას სხვადასხვა ქალაქებში ფაბლიკ არტის კონტექსტში შეხვედრია. მან აუდიტორიას აჩვენა სხვადასხვა საზოგადოებრივ ადგილში შექმნილი საუკეთესო ნამუშევრების სლაიდები: კლავი ოლდენბურგის, ფელიქს გონზალეს-

ტორესის, მარონ ჰაიესის, ლენა და ვიქტორ ვორობიოვის და სხვ. პროექტები. საერთოდ, საჯარო არტს გონებამახვილობის ელოფერი დაჰკრავს და მისთვის მშვენიერების კატეგორია აუცილებლად სოციალური ინტერაქტიურობის სიბრტყეზე იქმნება, ანუ ეს ნამუშევრები პერფორმატიულია, მიუხედავად იმისა, რომ ერთადერთ დინამიკას არა თვითონ, არამედ მათ გარშემო არსებული ცხოვრებისეული კონტექსტი ქმნის. ფაქტობრივად, ეს საზოგადოებრივ სივრცეში კონცეპტუალური ხელოვნების დივერსიაა, საქართველოში კი ეს გამოცდილება მხოლოდ ცალკეული შემთხვევებისგან შედგება.



ამიტომაც, მცირე შესვენების მერე, საინტერესო იყო საქართველოში ფაბლიკ არტის თემა, რომელზეც არტ კრიტიკოსმა ხათუნა ხაბულიანმა ისაუბრა. ერთი ყველაზე ორგანიზებული ივენთი ამ კუთხით იყო პოლონელი კურატორის იოანა ვარშას მიერ მარშან განხორციელებული ბეთლემის პროექტი პოლონეთის არტ-ზონის პროგრამის დღეებში, 2009 წელს. მაშინ იოანა ვარშამ სცადა გაეცნობინა თბილისის ეს ძველი უბანი და თანამედროვე ქართული ხელოვნება საცხოვრებელ სახლებში შეიტანა, რუკაც დაზეჭდა და 3 დღის განმავლობაში აქ მოსულ მაყურებელს არა მხოლოდ გამოფენები, პერფორმანსები და ინსტალაციები, არამედ ძველ თბილისთან ახლებური ინტეგრაციაც ელოდა. ხათუნა ხაბულიანმა ასევე გაიხსენა მამუკა ჯაფარიძის საზოგადოებრივი სივრცეების პერფორმანსები. მამუკა ჯაფარიძე თითქმის ერთადერთი არტისტია, ვინც ამ ფორმას სისტემატურად და ყველაზე მეტი ენთუზიაზმით მიმართავს. ხათუნა ხაბულიანმა მოგვითხრო მისი "ოპტიმისტიკური ტაქსისა" და "საუზმე ბალახზე" შესახებ. ეს უკანასკნელი, როგორც სურათებიდან დავინახეთ, რაღაც მხიარულ თეატრს ჰგავდა. მხატვარმა თავის მეგობრებთან ერთად რუსთაველზე, სახელმწიფო გალერეის უკანა მხარეს, ალექსანდროვის ბაღის დალაგება დაიწყო 1997 წელს, როდესაც ფესტივალი "საჩუქარი-უნდა გამართულიყო და დედაქალაქის ეს ცენ-ტრალური ბაღი კი დაულაგებელი და უწესრიგოდ მიტოვებული იყო.

გურამ წიბახაშვილმა ცოტა თავისუფალი მოხსენება გააკეთა ამ თემის ირგვლივ, საკუთარ ფოტოკოლაჟებზე დაყრდნობით. მაგალითად, მან შემთხვევითი ფაბლიკ არტის ფორმით მოგვაცნოდა ის არტეფაქტები, რომლებიც მან წლების განმავლობაში თბილისის ქუჩებში მოაგროვა და გადაიღო. ის ამას სახალხო არტს უწოდებდა, რაც ძალიან საინტერესო ისტორიას ქმნიდა. ვიწრო გაგებით, ეს არ არის ფაბლიკ არტი, მაგრამ გურამ წიბახაშვილის მონათხრობი ძალიან სასიამოვნოდ აჩვენებდა არტეფაქტების პოტენციურ შინაარსებს და ძალიან საინტერესო იყო როგორც სანახავე და, ასევე, როგორც ნარატივი. ფოტოგრაფმა, რა თქმა უნდა, ქართველი არტისტების მიერ ამ სფეროში შექმნილი ნამუშევრებიც გვაჩვენა, მაგრამ ქალაქისა და მისი მოსახლეობის მიერ სპონტანურად შექმნილი ხელოვნების შესახებ დისკურსი შემოქმედებითი და ორიგინალური იყო.



არტისტული პრეზენტაციის ცალსახად გამოკვეთილი ფორმა ჰქონდა მხატვარ გიო სუმბაძის მოხსენებას, რომელიც მთლიანად მისსავე ნამუშევრებს შეეხებოდა. გიო სუმბაძე "გოსლაბის-ჯგუფის ერთ-ერთი წევრი იყო, ჯგუფის, რომელმაც გრაფიკული დიზაინის მარტივი

ესთეტიკის პლასტიკა მიამატა თანამედროვე ქართულ ხელოვნებას. მან პოლანდიაში, ქალაქ ამჰერში განხორციელებულ საკუთარ პროექტზე სტ-აირ ცასე ისაუბრა, რომელიც ეკლესიის ლიფტს და სუპერმარკეტის ესკალატორს აკავშირებდა და სულიერებისა და მატერიალიზმის პოლარიზაციის საინტერესო კონცეფციას წარმოადგენდა. საქართველოს კონტექსტს შეეხებოდა ასევე ნინო ჭოლოშვილის, მაია ქიაივა-ყიფიანის და ნატა ვაწაძის გამოვლენები. ნაჩვენები იქნა ფილმი, რომელიც რუმინელი მხატვრის კრისტინა ლუისიან ჰამსეას თბილისის სამხატვრო აკადემიაში სტუდენტების ერთ ჯგუფთან ჩატარებულ უორქშოპს ასახავდა. აქ ჩანდა, როგორ შეიქმნა საგამოფენო ნამუშევრების სერია სტუდენტების მიერ

მთლიანად საჯარო სივრცეებში მოპოვებული რესურსების გამოყენებით.

ირინა აბჟანდაძის და გელა მეგრელიძის გერმანია

5 მაისს საქართველოს გოეთეს ინსტიტუტში ფოტოგრაფმა ირინა აბჟანდაძემ მუსიკოს გელა მეგრელიძესთან ერთად წარმოადგინა ფოტოგამოფენა "ტემპლოპოფიდან კარლ მარქსის გამზირამდე". ბერლინი ორ ნაწილად - ნაციონალ-სოციალისტურ და სტალინისტურ ბანაკებად იყო გაყოფილი და, არქიტექტურის მხრივ, ამ ორი დიქტატურის დაპირისპირებაც და თანაარსებობაც აქ დღესაც თვალნათლივ ჩანს.

ირინა
აბჟანდაძემ
ძირითადად
ფასადები
გადაიღო,
ხოლო გელა
მეგრელიძემ



აღმოსავლეთ ბერლინში დასახლებული ადამიანები და მათი საცხოვრებელი სახლების მყუდრო და მოდური ინტერიერები. ამ კონსტრუქტივისტული რემინისცენციის გამოფენით მხატვრები გვაჩვენებენ, რომ ბნელმა ისტორიამ ჩაიარა და ნაგებობები უბრალოდ ნაგებობებად დარჩა, მიუხედავად მათი იმდროინდელი იდეოლოგიური კონტექსტებისა.

ირინა აბჟანდაძე არ ღალატობს წმინდა ხელოვნების ნორმებს და დოკუმენტური და სტრუქტურალისტური ფოტოგრაფიის მედიუმს ნამდვილი და მოკრძალებულ თერაპიის ფორმად იყენებს.

მაყურებელი ეცნობა ნაციონალ-სოციალისტური გერმანიის გაუქმებული აეროპორტის მიწისქვეშა სათავსოებს, რომლებიც ფაშისტური გერმანიის სადაზვერვო სამსახურის დაკითხვის ადგილებსაც წარმოადგენდა და გელა მეგრელიძის პროგრამის პერიფრაზი რომ გავაკეთოთ, მართლაც გასაოცარია ამ

ოთახებში მზიარული გრაფიკებისა და ნახატების აღმოჩენა,


კედლებს უწყინარად რომ ამშვენებს.

გამოფენის გახსნაზე არქიტექტორმა ლევან ლომინაშვილმა წაიკითხა მოხსენება ნაციონალ-სოციალისტური არქიტექტურის მნიშვნელობის შესახებ. ასევე უჩვენეს ნაწყვეტი ფილმიდან

"მსოფლიო დედაქალაქი გერმანია".

ისინი სამხატვრო

აკადემიის




კურსდამთავრებულები არიან, მაგრამ მათი დიდი ნაწილი უდიპლომო მხატვრებს უწოდებს საკუთარ თავს. მიზეზი ის

არის, რომ, როგორც თვითონ აღნიშნავდნენ დისკუსიის დროს, ისინი თანამედროვე მხატვრობას სწავლობდნენ, მაგრამ დიპლომის შესრულებისას მაინც ფერწერა მოთხოვეს და საერთოდაც, დიპლომი, როგორც ფერმწერებზე, ისე უნდა გაცემულიყო. ახალგაზრდა მხატვარი და სამხატვრო აკადემიის ყოფილი პროფესორი და ერთ დროს რექტორის ოფიციალური მრჩეველი გიორგი კველიშვილი ამ გამოფენით სერიოზულ განაცხადს აკეთებს. უკვე არა რეფორმებზე მოწოდებების ფორმით, არამედ თვით გამოფენის გამორჩეული ხარისხით. მხატვრები ამბობდნენ, რომ პუბლიკა მათგან ისევ მძაფრ სოციალ-პოლიტიკურ განცხადებებს ელოდა და გამოხმაურებით მიხვდნენ, რომ უნებურად იმედგაცრუებული დაუტოვებათ. ვინც მათგან ასეთ მორიგ შოუს ელოდა. სამაგიეროდ, მათ სხვა განაცხადი გააკეთეს, რომ მძაფრი ვნებებისა და აღელვებების მიღმა, მათი ხელოვნება და გამოფენის მოწყობის უნარი შედარებით ახალია, კლიშეებისგან თავისუფალი და პროფესიონალურ მოთხოვნებს საჭიროზე მეტად აკმაყოფილებს.

გამოფენის კურატორი გამოფენის მონაწილე ახალგაზრდა მხატვარი ქეთო ლოგუა იყო და საგამოფენო რეპრეზენტაციის წარმატებაში დამსახურების დიდი ნაწილიც სწორედ მას ეკუთვნის. თვით გამოფენის დასახელება, "შორის" ჯგუფის მიერ გაკეთებულ ორმაგ არჩევანზე აკეთებს აქცენტს – ერთი მხრივ, აქ ტრანზიტიულობაზეა გამახვილებული ყურადღება, რაც საქართველოში ორ დეკადიან გარდამავალ პერიოდს გულისხმობს, რომელიც არა მხოლოდ საზოგადოებაზე, არამედ ხელოვნების პოლიტიკაზეც აისახება. მეორე მხრივ კი, რამდენადაც არ არის მითითებული ობიექტები, თუ რასა და რას "შორის" ობიექტებზეა საუბარი, მათი კონცეფცია სწორედ ინტრანზიტიულობის განაცხადს აკეთებს, სადაც მთავარია სუბიექტი, სინტაქსი და მხატვრის აუთენტური ენა.

ეს ბოლო დროს გამართულ გამოფენებს შორის ერთადერთი იყო, რომელიც კარგად იყო აღჭურვილი ტექსტუალურად. ბროშურა, რომელიც გამოფენისთვის მომზადდა, გამოირჩევა ზუსტი და ლაკონური თხრობით, თანამედროვე სალიტერატურო ენით, რაც არა მხოლოდ მხატვრებისთვის, ხშირად ხელოვნებათმცოდნეებისთვისაც შესაშური შეიძლება აღმოჩნდეს. ბროშურას ხელს არავინ აწერს და ის ამით სოლიდარულ ენთუზიაზმს და კოლექტიურობას უსვამს ხაზს. საპროგრამო ბროშურიდან ყველაზე დასამახსოვრებელი ის არის, რომ მხატვრები პროტესტს უცხადებენ ყოველგვარ რომანტიკულ დეკორატიულობას, რაც ჩვენი მხატვრობის ისტორიის, როგორც ადრინდელის, ასევე ახლის, უმეტეს ნაწილს ახასიათებდა, ანუ მხოლოდღა განყენებულ ესთეტიკურ ტკბობას ფერითა და ფორმით, ტრაფარეტული შინაარსებით. მაშინ, როდესაც მშვენიერების საწყისი კრიტიკული აზროვნებასა და, თუნდაც, პოლიტიკურ კრიტიკაში უნდა მოიძებნოს. ისინი თვით ავანგარდისტულ გატაცებასაც კი რომანტიკულს უწოდებენ, ისევე, როგორც ეჭვის თვალით უყურებენ დღეს მომრავლებულ საყოველთაო ინტერესს პერფორმანსზე, როგორც მხოლოდღა თანამედროვეობასთან შესატყვისობის სავალდებულო ფორმაზე. ამიტომაც, მართლაც ზუსტი სტრატეგია აღმოჩნდა, რომ გამოფენა მთლიანად ორგანიზაციული იყოს და მხოლოდ კედლისა და სასურათე ზედაპირისგან შედგებოდა. თანამედროვე ხელოვნება სულო უფრო მატერიალური ხდება და დასანანი იქნება, თუ ის საშუალებები, რომლებიც ამ ტენდენციამ წარმოშვა, ახალი მატერიალიზმის საგნად იქცევა.

დემატერიალიზაციის საუკეთესო ექსპონატი იყო თეკლა ასლანიშვილის პორტრეტის სტენსილით შექმნილი 42 ფრაგმენტებიანი პანო, რომლებიც სხვადასხვა ქართველი მხატვრის მიერ იქნა განხორციელებული ავტორის თხოვნით. მან დაარღვა საკუთარი პორტრეტის ტრაფარეტი, რათა მხატვრებს საკუთარი დამახასიათებელი ხელწერით შეეცხოთ ის. აქ თითქოს დაკარგულია საზღვარი, თუ ვინ არის ავტორი, მაგრამ ამ 42 კლიშე თეკლა ასლანიშვილის იდეა, ანუ არამატერიალური კომპონენტი აერთიანებს. მხატვარს თითქოს უნდოდა ეჩვენებინა, რომ ის, რაც ცნობილ ავტორში გაყიდვადია, მხოლოდ ბრენდინგია, მაშინ, როდესაც ნამდვილი სათქმელი ხშირად მაყურებლამდე ვერ აღწევს.



დაახლოებით ამ თემას ავითარებენ გამოფენის დანარჩენი

მონაწილეები. ქეთო ლოგუას ნამუშევარი "თეთრი კუბი" ლონდონის ცნობილ გალერეას სივრცით განზომილებას აცლის და სიბრტყეზე, დაშლილი კუბის სახით წარმოგვიდგენს, როგორც მინიმუმას მთავარი, ინტიმური შინაარსების დაკარგვაზე თანამედროვე ხელოვნების ინდუსტრიაში, სადაც, ვთქვათ, მეგა არტისტი დანიელ ჰირსტი და ასეთივე მასშტაბის არტ დილერი ჯეი ჯოპლინგი მუშაობენ. ეს თითქოს სათქმელის ახალი კულტია, მაშინ, როდესაც სათქმელის ყოველგვარი რომანტიკა და მასზე ნოსტალგია გაუქმებული გვეგონა. ალბათ, ფორმისა და შინაარსის ურთიერთობის სწორედ ასეთ, მუდმივად დაუდგენელ პლასტსაც გულისხმობს გამოფენის სახელწოდება "შორის".

გიორგი კველიშვილი მხიარულ, სასიამოვნო და სიმშვიდის ფერად პანოს ქმნის პირდაპირ გალერეის ერთ კედელზე, რომლებიც ფანქრების თავისუფალი გასმით არის განხორციელებული მისი დამახმარე არტისტების მიერ. მიუხედავად იმისა, რომ გიორგი კველიშვილის სახელი რადიკალურთან და პროტესტთან ხშირად ცალსახად არის გაიგივებული, ეს ნამუშევარიც და თუნდაც აღრინდელი, მართლაც, რადიკალური პერფორმანსი, როდესაც მან ანსათეზის ინექცია გაიკეთა გალარეაში 2005 წელს და მთლიანად გამოეთიშა გარემოს, პარადოქსულად სწორედ სიმშვიდეზე, ნამდვილ სოლიდარობაზე და რაღაც ყველასთვის ძვირფასზე შეგვახსენებენ. გიორგი კველიშვილისთვის კი ეს სწორედ ძლიერი ბრენდინგი შეიძლება აღმოჩნდეს – პოლუსების ამბივალენტურობა, როდესაც დაპირისპირება და რადიკალურობა არაეგოისტურ ინტეგრირებაში გადაიზრდება, როგორც მხატვრის ჰუმანური ქმედების უტყუარი ნიშანი.

ნატალია ნებიერიძის "პალიმფსესტი" გადაწერების და ინტერტექსტის თემას ამუშავებს, მან საკუთარი მშობლების ნახატები გადააკეთა, გადაწერა და სხვადასხვა დეტალებით ჩაანაცვლა. გია ეძგერაძის, როგორც ახალგაზრდა მხატვრები ამბობენ, სოლიდარობის ნიშნად გამოგზავნილი საგამოფენო ტექსტობრივი მასალა, ელექტრონული დისკუსიის ამონაწერი სახელწოდებით თითო (თქე თოტალ თჰირსტი), სწორედ ასეთი დემატერიალიზაციის უნებლიე ექსპონატად გარდასახება. მელანო სოხაძე ერთ-ერთი ანტი-კაპიტალისტური მანიფესტაციის შედეგად დამტკრებული ბილბორდების ფერად ფოტოებს გვთავაზობს, როგორც საგამოფენო სურათებს და კვლავ დეჰუმანიზაციის თემას შეეხება, უკვე სოციალური წინააღმდეგობის რაკურსში.



მოკლე მიმოხილვისთვის შეუძლებელია, ამ მართლაც შინაარსობრივად დატვირთული გამოფენის ღრმა ანალიზი ვცადოთ და ბოდიშს ვიხდით ავტორებთან, რომელთა ნამუშევრების დეტალების აღწერაც, თუნდაც მოკლედ, ვერ მოვახერხებთ. აღსანიშნავია, რომ გამოფენის მომზადებაში არტისტებთან ერთად სამხატვრო აკადემიის სტუდენტების ერთმა ნაწილმაც მიიღო მონაწილეობა, ზოგიერთი კი გამოფენის მონაწილეც გახდა. მაგალითად, თეო ბიჩინაშვილს, მესამე კურსის სტუდენტს, რომელსაც უკვე ჩამოყალიბებული

ინტერესები აქვს, ნარატივისა და სერიულობის გადაკვეთის ხელწერის დეტალები ახასიათებს და გამოფენების პრაქტიკაც მისთვის ახალი არ არის.

გამოფენაში მონაწილეობდნენ: გიორგი ხანიაშვილი, თეკლა ასლანიშვილი, თეო ბიჩინაშვილი, მელანო სოხაძე, ნატალია ნებიერიძე, ქეთო ლოგუა, დავით კუნალაშვილი, გიორგი კველიშვილი, გია ეძგერაძე, ლადო დარაჩველიძე, გიორგი (გაგო) გაგომიძე, ვაჟიკო (ჭატს), თორნიკე ჭაფოძე. ამ ახალგაზრდა მხატვრებს საერთაშორისო სერიოზული რეპრეზენტაციები უკვე გაკეთებული აქვთ ევროპის სხვადასხვა გალერეებში, მუზეუმებსა და ბიენალეებზე, და მაინც, იმედი გვქონდეს, რომ სასურველ კონტექსტს ისინი საქართველოშიც მალე შექმნიან და მოძებნიან.

თბილისის თოვლი ცარიელი არ არის

გალა გალერეაში კოტე სულაბერიძის გამოფენა "ცა თბილისის თავზე" ერთ თვეს მიმდინარეობდა, ამ გამოფენით დაასრულა გალერეამ სეზონი და ამითვე შეეგება ახალ 2011 წელს.

თბილისში წელიწადის ეს დრო, მიუხედავად მომატებული საზეიმო განწყობისა, ამდენადვე არამომგებიანია ხოლმე დამთვალიერებლის მოზიდვის მხრივ.

მთავარ დარბაზში გამოფენილი იყო თოთხმეტი ფერწერული ტილო, რომლებიც გამოჭრილი აპლიკაციების კონტურებს მოგაგონებდათ, ხოლო ცისფერისა და თეთრის ინტენსიური და არამოცულობითი პალიტრა კომპიუტერის ეკრანზე დანახულ

გამოგონილ რეალობას გვახსენებდა (არ ვიცი, იქნებ ფეისბუქის ინტერფეისის ფერებთან კავშირის გამო). მაგრამ ყველა ეს ნამუშევარი ნამდვილად ფერწერული ტილო იყო, სადაც ავტორი თითქმის ეძებდა, მოეძებნა ის ილბლიანი შუალედი, როდესაც უკვე ათასჯერ გამეორებული უბრალო მშვენიერებისა და ამდენადვე უკვე არაფრის მთქმელი კონცეპტუალური თავისუფლების ნამდვილი გადაკვეთა იქნება შესაძლებელი.

კოტე სულაბერიძის სახელი, მართლაც, ყოველთვის ამ ორ მიმართულებასთან იგივედებოდა ადრეც – დამაჯერებელი, ფიზიკურ ფერწერასთან და იდეურ, ასკეტურ კონცეპტუალიზმთან თანაბრად. ამ გამოფენაზე კი ეს ორი ვექტორი განსაკუთრებით გამოიკვეთა და ერთმანეთთან სრულიად არახელოვნური დაახლოება დაიწყო. გამოფენის დამთვალიერებმა ნამდვილად გაზიარებდათ როგორც მშვენიერებას, ასევე უცნაურ და თბილ სიცარიელესაც, რითიც, გარკვეულწილად შედგებოდა ეს ნახატები.

ცალკე კიდეც ის სიხლე გამოიკვეთა, რომ კოტე სულაბერიძის ნამუშევრებში ტექსტი აღარ ფიგურირებდა, როგორც ეს ხშირად იყო ხოლმე ადრე. ტექსტი ამჯერად გარეთ აღმოჩნდა, სათაურებში - ხვეული კიბე, მუზა, ახალი ესტაკადა, შუქნიშანი, ცთამბეჯენი, ზემელი, სატელევიზიო ანძა, ეკლესია, დაშენება, ხედი ჩემი სახლიდან, გამაფრთხილებელი ნიშანი – როგორც საყვარელი ქალაქის მთავარი ლექსიკონი, რომელიც მარტო დასახელებებითაც კი უკვე ნამდვილ პოეზიას ქმნიდა. ამ ერთგვარი ცუტ-უპ აპლიკაციების მიზაძვის მეთოდში - სადაც თბილისის მაცხოვრებლებისთვის კარგად ნაცნობი ნაგებობები და ქალაქის მონაკვეთები თითქმის ამოჭრილია სურათებიდან და მათ ადგილზე თეთრი ზედაპირები დარჩენილა, როგორც სარკმელი სიცარიელეში - ხედავ, რომ კოტე სულაბერიძისთან სიცარიელე განსაკუთრებით ლამაზია.

მეორე
დარბაზში
მნატვარმა



სპეციალურად საახლოლოდ დამატებითი პატარა ექსპოზიციის წარმოადგინა, ნაძვის ხის სათამაშოების მომცრო ზომის ფერწერული ტილოები ჩამოკიდა.

გალერეის ფასადზე ასევე გამოფენილი იყო წლის განმავლობაში აქ განხორციელებული გამოფენების აფიშები, რომლებიც არქიტექტორმა თავი ვალიშვილმა გამოიყენა ფრონტალური ხედის ფართომასშტაბიანი დიზაინისთვის, როგორც გალერეაში მომსვლელებს, ასევე მტკვრის მარჯვენა სანაპიროზე მოძრავი ტრანსპორტის მგზავრებსაც, გალა გალერეის მნატვრების საახლოლო კოლექტიური მისალოცი ბარათივით ეგებებოდა.

ოლეგ ტიმჩენკოს, როგორც ავტორიტეტის, პერსონალური გამოფენა სახელოვანებით სფინქსი - საგანძურის მცველი~ გალა გალერეაში შეიძლება იმთავითვე მივიჩნიოთ რაღაც ირაციონალურ რეცეპტად, სოციალური კრიტიკის ინდიკატორად. ავანგარდთან ასე დაკავშირებული მნატვარი შეუძლებელია კრიტიკისგან შორს იდგეს. და თუ ის საკუთარ ფერებს, სიურენებს და ახლა უკვე სამკაულებს ასეთი ნაზგასმით ხატავს, ეს არ არის მხოლოდ სილამაზის ნაივური აღქმის უბრალოება, არამედ შეიძლება ორმაგი კრიტიკაც კი აღმოჩნდეს - უკვე არა მხოლოდ სოციალური ფონის, არამედ თვით იმ არტისტებისკენ მიმართული, რომლებიც დაუსრულებელი კონცეპტუალური გასასაჩივრებებით, ნიჰილისტური რეაგირებებითა და მართლაც წმინდა და უსაფუძვლო ნარცისისტული პოზირებით არიან დაკავებული.

ოლეგ ტიმჩენკოს პერსონალური გამო-ფენა წარმატებული იყო. არ მახსენდება ბოლო პერიოდში გამოფენის გახსნაზე მოხული ამდენი დამთვალიერებელი. შეიძლება თბილისის პატარა ქალაქია, აქ მხოლოდ ქართველები ცხოვრობენ და ყველა ყველას იცნობს, მაგრამ ტიმჩენკოს გამოფენის გახსნაზე მე ნამდვილად არ ვიცნობდი ყველას. ესეც ტრიუკია, აკეთი ისეთი ხელოვნება, რომელიც ყველას მოიზიდავს. ასეთი ტრიუკი კი ნიჭია – აკრიტიკებდე არა აქტივისტურად, სწორწაზვნად, ლოზუნგით, არამედ ასე ირონიულად, შეფარულად, დახვეწილად, იმპერსონალურად. სწორედ ამ უნარით გახდა ენდი უორჰოლი ყველასგან გამორჩეული და ალბათ ნამდვილი ავანგარდის ყველაზე უტყუარი ნიშანიც ეს არის. ოლეგ ტიმჩენკოს სკივრების, ბეჭდების, მძივების, გნომებისა და სარფიანის გარიგებების სცენების ეს გამოფენა, როგორც ფიროსმანს, შავ ფონზე აქვს დახატული. და ისევე, როგორც

ნიკო ფიროსმანთან, ან ენდი უორჰოლთან, აქაც ფიგურები ცარიელ სივრცეში გამოკიდებული აპლიკაციებია და ამით მათი სოლიდისტიკური გამოვლინება დაუფიქრარი და შთაბეჭდილია. ოლეგ ტიმჩენკოს ეს გამოფენა იმითაც არის გამორჩეული, რომ აქ მისი ნატვის ძველი ხელოვნება კვლავ ძალზე უმუალოოდ ჩანს და არ არის დატვირთული რაიმე სიუჟეტზე ან კონცეფციასზე მინიშნებებით. ამ სურათებში სწორედ ოლეგ ტიმჩენკოს მაგიური კონტურების ხაზი და ამ ხაზების პალიტრაა ერთ-ერთი მთავარი გზავნილი.



დიახ, საქმე სწორედ პირიქითაა, ავანგარდში ხელოვნება სამკაული არ არის, თუნდაც ნახატში სამკაული ენატოს და კარგად რომ დაუკვირდე, მას ვერც გამოიყენებ. ასეთი, თითქმის

შეუმჩნეველი ირონიის მქონე მხატვარია ოლეგ ტიმჩენკო. ის მიხვდა, რას ელოდებიან ადამიანები მხატვრობისგან და მათ ამ დახატული სამკაულებით ძვირადღირებულ პოეზიას სთავაზობს.

გალა გალერეა სულ ახლააჩანს გაიხსნა და მისმა მფლობელმა და კურატორმა დედიკა ბულოიაშვილმა დაიწყო იმ ნიშის შექმნა, რაც შეიძლება ახალ, უფრო უკეთეს და დამსახურებულ ეპოქასაც უქადდეს საქართველოს სამხატვრო კულტურას. ეს გალერეა ხაზგასმით, უკომპრომისოდ და ელეგანტურად წარმოადგენს მაღალი გემოვნების თანამედროვე მხატვრობას და მისი უახლესი ისტორიის შექმნას იწყებს.

ზამთრის მიწურულს მამუკა სამხარაძის გამოფენა სახელოვნობით და ასე შემდეგ... იქცევდა ყურადღებას თბილისის კულტურულ მოვლენებში. წელიწადის ამ დროს თბილისის კულტურული კალენდარი საკმაოდ მეტად ინტერესულია. ნიშანდობლივია, რომ მხატვარი არ შეუშინდა ასეთ არაჩვეულებრივ გარემო პირობებს, რასაც იმ დღეებში სუსხიანი ქარი და უამინდობაც ემატებოდა, რადგან მისი შემოქმედებისთვის უცხო ნამდვილად არ არის არც ბუნება, როგორც ასეთი და არც ყოველდღიური თავმჯდომარის ადგილებისგან რეგულარული დისტანცირება.

დაცარიელებული შარდენის ქუჩა კი მხატვარს ნამდვილად ვერაფრით გააკვირვებდა. პირიქითაც მოხდა, მამუკა სამხარაძის გამოფენის გახსნით თბილისის ეს ფუფუნების მოყვარული უბანი ცოტა ხნით გამოცოცხლდა კიდევ.

მამუკა სამხარაძის ნამუშევრების ფოკუსში სივრცე და ლანდშაფტია. მისთვის მთავარი ფონი სწორედ ბუნებაა, რასაც მხატვარი თავის მიერ გამოვლილი ხელოვნურ, ჩაკეტილ და ლოგიკურ სტრუქტურებს ამატებს. მამუკა სამხარაძის გეომეტრიული ნამუშევრების სერიები რამდენიმე წლის წინ ნაჩვენები იყო მოსკოვში ეკოტოპის გამოფენაზე. ამჯერად კი, მიუხედავად იმისა, რომ მხატვრის ნამუშევრების ზოგადი მიზანობა უსასრულობის ცნების ფიზიკური მასშტაბებით ილუსტრირებას გულისხმობს, აკადემიის ამ მომცროს გალერეაშიც სივრცე მაქსიმალურად ზუსტად იქნა ადაპტირებული იდეასთან. მხატვრმა გალერეა ერთ მონოლითურ კომპოზიციად გადააქცია.

გამოფენაზე წარმატებით განლაგდა მისი ერთი სერია, რომელიც თეთრ ზედაპირებზე ლურსმნებით აწყობილი სიმეტრიული და პროგრესივობად კომპოზიციებს წარმოადგენს. მისი ასეთი კომპოზიციები ერთი წერტილიდან იწყება და თანდათან, ნამუშევრიდან ნამუშევარში სიმეტრიულად განიტოლება, მატულობს და რთული ორნამენტული ლაბირინთებად მთავრდება. რომლებიც მართლაც სასიამოვნო საყურებელია და ერთგვარი თერაპიული ზემოქმედებაც გააჩნია. თანამედროვე საგალერეო სივრცეში შემოტანილი ეს მანდალები რაღაც შუალედურ ადგილს იკავებენ ძველ აღმოსავლურ მისტიკურ ტრადიციებსა და მანდელბროტის მათემატიკის ხელოვნურ სამყაროსთან, რომელიც დღეს უხვად გვამარაგებს ფრაქტალებით, როგორც ხელოვნური ინტელექტის მშვენიერების ნიმუშებით.

სამხარაძის სიმეტრიული განშტოებები უსასრულობას გულისხმობს და გამოფენის სახელოვნობაც პირდაპირი მინიშნებაა ამაზე - "და ასე შემდეგ...". რომ არა წესრიგში მოყვანილი ეს ურიცხვი ლურსმნები და მათ შორის გაბმული ძაფები, ანდა მინდორში ზამთრებით აწყობილი კომპოზიციები, აქ არაფერი დარჩებოდა, რაც დეკორატიული, მაგრამ მოსაწყენი სწორხაზოვნებისგან დაგვიცავდა. მხატვრის პირადი ღირებულებების ძიებისას, გასული საუკუნის მეორე ნახევრის მიმდინარეობის, ოპ არტის მიღმა, პირველი, რაც შესამჩნევია, სწორედ ბუნებისა და მასალის დეტალებია.

ამავე დროს, მამუკა სამხარაძის ნამუშევრები და ეს გამოფენაც იმას ადასტურებს, რომ თანამედროვე ხელოვნებაში რაც ყველაზე მნიშვნელოვანია, უბრალოდ მასალაზე და ფორმაზე აქცენტიც არ არის. არც სინტაქსის დამოუკიდებელი ნიშნებშია საქმე, როდესაც აქ ლოგიკა და ბუნება წინააღმდეგობრივი დამახლეობის მხატვრულ ველს ქმნის. მამუკა სამხარაძის სამუშაო მექანიზმი იდეისა და აზრის უშუალოდ გადაცემის ესთეტიკაა, რასაც კონკრეტული ხელმოსაკიდი არც გააჩნია, მაგრამ ყველაზე უცხადესად გადმოცემს



თავისუფლებისა და სინამდვილის შინაარსს. კოკა ცხვედიანმა ერთი წლის განმავლობაში აკრილით შესრულებული აბსტრაქციები გამოფინა `თიბისი- ბანკის გალერეაში, მარჯანიშვილზე. მიუხედავად პალიტრის სიუხვისა და სიმკვეთრისა, ეს გამოფენა თითქმის აქრომატული და საგმილდ მონოტონური იყო - უზარმაზარი სივრცის ორივე გაყოლებაზე გამოფენილი, ერთნაირი, სამომხმარებლო ზომიერი ფორმატის შუშის ჩარჩოებში ჩასმული სურათების უწყვეტი სერია, ერთნაირი ქარგა ხაზისა და ფორმის. თითქმის ერთი დიდი სურათი იყო დაყოფილი პატარა ნაწილებად. სურათების ასეთ დასაშვებ მონოტონურ მედიტაციურობას, ჩემი აზრით, არღვევდა სქელ მუყაოზე შესრულებული ემოციური ფერწერისა და შუშის ჩარჩოს სტერილურობის ურთიერთშეთავსებლობა. თუმცა, მეორე მხრივ, შუშის და ფერწერის შეერთებით ეს შეიძლება საინტერესო ოპტიკური ექსპერიმენტი გამოვიდა, თვალისმომჭრელი - პირდაპირი მნიშვნელობით, ისე როგორც სტრუქტურალისტური კინო აკეთებდა ამას 70-იან წლებში.

გალა გალერეამ ორი პერსონალური გამოფენის გახსნა მოასწრო - ჯერ მიშა გოგრიჭიანის პერსონალური ფერწერული პროექტი იყო გამოფენილი, რომელიც მწევარ ძაღლებს შეეხებოდა და მხატვრის ამ იდეისინკრაზიული აკვიატებით იმედს ან ნიშანს გვაძლევდა, რომ, დასავლეთის გამოცდილების მსგავსად, ისტორიის პრიმიტიულობის გზით კომფორტულად შევძლებდით მხატვრის მხოლოდ ენობრივი ნიუანსებით ტკობას. პროფესიონალიზმითაც და წარმოსახვითაც, მართლაც, კარგი გამოფენა აღმოჩნდა. თუმცა მხატვრისთვის თემის დაჟინების ინტენსივობა არა მგონია, რომ საქართველოს რეალობაში, ასე თუ ისე, შესაძლებელია. გამოფენის გახსნაზე, შესაბამისად, დამთვალეიერებლებისათვის უხვად იყო მონადირეული შებოლილი ძეხვი და ლუდი.

15 ივნისს კი გალა გალერეამ წელს პერსონალური გამოფენების ციკლი მიშა შენგელიას გამოფენით "ლედი მაკბეტის ოფისი" დაამთავრა. მიშა შენგელიამ ექსპოზიციის ერთ საყრდენ წერტილად კონვერტების გარეკანები აიღო, სადაც გამგზავნის და მიმღების მისამართებია აღნიშნული. ეს მინიატურული ნამუშევრები მიშა შენგელიასთვის ახალი არ არის, მას ისინი საქართველოშიც აქვს გამოფენილი და საზღვარგარეთაც. მთავარი პოსტულატი ერთ-ერთი ასეთი საფოსტო შედაპირიდანაა: "ღმერთი ლანჩის შესვენებაზეა, გთხოვთ დაელოდოთ". აქ შეიძლება იკითხება დარღვეული კომუნიკაცია სულიერებასთან, როგორც ადრესატთან, შეიძლება ეს უიმედო იუმორია, მაგრამ თუ მართლა ასეა, მაშინ ამ ნამუშევრების მინიატურულობიდან გამომდინარე პრობლემა მტკიცეულად დაპატარავებულია და სარკასტულ სახეს იღებს. მაგრამ მეორე საყრდენი წერტილი - თუ მასშტაბური ფონი - ის იყო, რომ მიშა შენგელიამ გამოფენა გალერეის კედლებზე განავრცო და ისინი სახატავ ზედაპირად გამოიყენა. ეს დახატული ინსტალაცია უდაოდ ლამაზი გამოვიდა, როგორც კარგად გაფორმებული საფოსტო კონვერტი და ყველაფერი ერთ მთლიან გზავნილად გადაიქცა. ეს უკვე აღარ იყო ირონიული და მყიფე იმედის ილუსტრაცია, არამედ - როგორც შემდგარი, დარწმუნებული და თბილი გზავნილის ფორმა, რომელსაც ადრესატიც რეალური ჰყავდა - თბილისის დამთვალეიერებელი.

კრეატიულია, როდესაც გალერეა თუნდაც სეზონის დანურვაზე საკუთარ კედლებს სახატავად უთმობს მხატვარს და როდესაც სარემონტო განახლების ხარჯები სხვა ჩვეულ ხარჯთა რიგში დგას. ეს ამ გამოფენაზე ნამდვილად დადასტურდა. კოტე მინდაძემ, მხატვარმა, რომელიც საქართველოშიც მოღვაწეობს და ჰოლანდიაშიც და კონცეფტუალისტური ხელწერით გამოირჩევა, გალერეა 9-ში წარმოადგინა პერსონალური ექსპოზიცია, რომელსაც კალეიდოსკოპურობაზე და ეკლექტიკურობაზე ჰქონდა აშკარა ხაზგასმა. მიუხედავად იმისა, რომ კონცეფტუალური

ხელოვნება ყოველთვის რაღაც ფილოსოფიუგემურ ნარატივს გულისხმობს, აქ წარმოდგენილი ნამუშევრები და მათი ერთიანობაც უფრო დიზაინზე და პირადი გემოვნების კატალოგიზირებაზე გვიგზავნიდა მინიშნებას.

ფიროსმანის დღეები საქართველოში

19

ოქტომბერს



საქართველოსა და გერმანიის თანამშრომლობით უკვე მესამედ გაიხსნა ფიროსმანის დღეები შეხვედრა ფიროსმანთან~, რომელიც მოიცავს გამოფენას და ლიტერატურულ სადამოებს. პროექტს 2006 წელს ჩაეყარა საფუძველი და მისი ინიციატორი ბერლინელი მოქანდაკე ჰანს შაიბი იყო. ფესტივალის სპეციფიკა თავიდანვე ისე განისაზღვრა, რომ ყოველი მონაწილე შემდეგ წელს თვითონაც ხდება თანაორგანიზატორი და უკვე თვითონ იწვევს მონაწილეობის მისაღებად სხვა დაინტერესებულ ხელოვანებს. როდესაც ასეთი მიდგომა თავისებურად ახორციელებს ნიკო ფიროსმანაშვილის აუნდენელ ოცნებას საერთო სახლზე და ჩაის მაგიდის გარშემო შეკრებაზე, მეორე მხრივ ფესტივალის მიზანი სწორედ ფიროსმანის პოპულარიზაციაა, რაც მისი შემოქმედებით და ასევე ქართული ისტორიული თუ დღევანდელი გარემოთი დაინტერესებული ადამიანების მოზიდვას და მათთვის შესაბამისი პროგრამების შექმნას გულისხმობს.

პროექტი, რომლის ორგანიზატორიც საქართველო გერმანიის საზოგადოებაა, იმდენად პოპულარულია, რომ მონაწილეები საკუთარი ხარჯით ჩამოდიან საქართველოში. უშუალოდ კი მას მხატვარი გოჩა დუღულაური ხელმძღვანელობს. უცხოელი და ქართველი ხელოვანების ურთიერთობა ამ პროექტში მართლაც ჩაის მაგიდის გარშემო შეხვედრას ჰგავს - საუბრები უშუალოა, ჩნდება მრავალი სხვადასხვა გამოფენისა და პროექტის ინდივიდუალური იდეა, წარმოიქმნება დისკუსია ხელოვნების ირგვლივ, სადაც, მართლაც ძალიან უტანებლად, ისევ და ისევ წინ გამოდის ხოლმე ფიროსმანის სახელი. ბერიტ ცემქმ, ბერლინელმა ვიდეო არტისტმა საკუთარი ნამუშევარში საწყის ელემენტად სწორედ ფიროსმანის მიერ დანატული თევზი აიღო. მან თქვა, რომ ფიროსმანის ნახატები იკონოგრაფიულია, მისი ადამიანებიც და ცხოველებიც ხატები და რომ ეს არ არის ჩვეულებრივი ხედეა ცხოვრების. ამ ინსპირაციით მისი ვიდეო ეკრანი სამ სემენტად იყო გაყოფილი, როგორც სამების სიბოლო, რაც ისევ ფიროსმანის ღრმა რელიგიური მოტივებიდან მოდის. ბერიტთან ერთად თბილისში ოცზე მეტი გერმანელი არტისტი ჩამოვიდა. საქართველოდან მათ შეუერთდნენ ნიკო ცეცხლაძე, თამაზ ვარვარიძე, ლია შველიძე, ავთანდილ პოპიაშვილი, თემო ჯავახიშვილი, ირა კურმაევა და სხვ. პირველ დღეს გოეთეს ინსტიტუტის კაფეში ლიტერატურული სადამო მოეწყო, სადაც ჰელოგა კურცხალიამ საკუთარ წიგნზე და პროექტზე ისაუბრა, ხოლო გუდერუნ ლეჟმანმა აქ დანიილ ჰარმის თემაზე ლიტერატურული პერფორმანსი წარმოადგინა. მეორე დღეს თბილისის ისტორიის მუზეუმში, ქარვასლაში გერმანელ და ქართველ მხატვართა გამოფენა ფიროსმანი და თანამედროვე ხელოვნება~ გაიხსნა, სადაც ფიროსმანის რამდენიმე ორიგინალიც იყო გამოფენილი. გამოფენა ძალიან ხარისხიანი აღმოჩნდა, როგორც ნამუშევრების მხრივ, ასევე თვით ექსპოზიციის განლაგებითაც. ის დამთვალიერებელს სასიამოვნო, უშუალო და თბილ გარემოს უქმნიდა. გაბრიელა ჰელფის, მარტინ კოლდენის, მარიონ შტილეს, პიუს ფოქსის, რობერტ შმიდტ-მატის, ანგელა ფენშის ფერწერული, სკულპტურული და ფოტო ნამუშევრები როგორც მაღალი ფორმალური ხარისხით, ისე საინტერესო შემოქმედებითი ძიებით და ხედვით იყო აღბეჭდილი. პროგრამით ასევე წარმოდგენილი იყო კორნელია კლაუსის,

შტეფან მალტე ჰომბერგის, ფატმირ რასიმის და ბერიტ ციმკეს ფილმები. სტუმრები ქართველ მხატვრებთან ერთად მირზაანსაც ესტუმრნენ, სადაც ფიროსმანი დაიბადა, დაათვალიერეს სიღნაღის მუზეუმი, საქართველოს სხვა კუთხეებიც მოინახულეს და თბილისობის დღესასწაულსაც ჩამოუსწრეს.

არტისტერიუმი 3 თბილისში

არა
მხოლოდ
იმიტომ, რომ
ახალი
ხელოვნების
ესთეტიკა
ჩვენს
ქვეყანაში
ჯერ კიდევ



ღირებულებით უმცირესობას და ანდერგრაუნდს წარმოადგენს ჩვენი ოფიციალური გემოვნებისთვის - თანამედროვე ხელოვნება აქ იმიტომაც შეიძლება არსებობდეს მხოლოდ პროექტებისა და სუბსიდიების დონეზე, რომ სხვანაირად არანაირი მარკეტინგული ბაზისი და მიმოქცევა არ გაგვაჩნია. ასეთ შემთხვევაში, ისეთი საერთაშორისო ფორუმის გახსნა, როგორც არტისტერიუმი, არა მხოლოდ უცხოელი მხატვრებისათვის ხდება მიმზიდველი და ეგზოტიკური, არამედ ადგილობრივი არტისტებისთვისაც წელიწადში ერთხელ აღთქმულ სულისმოსატყმელ ერთკვირიან ოაზისად გამოჩნდება ხოლმე. თანამედროვე ხელოვნებაზე სპეციალიზებული გალერეები ჩვენთან არ არის, თუ არის, იქიდან ორი მხოლოდ წელს ან მარშან გაიხსნა (გალერეა 9 და გალა გალერეა), არტისტერიუმის კატალოგშიც არცერთი მხატვარი არ არის რომელიმე გალერეის მიერ წარმოდგენილი, როგორც მისი საკუთარი არტისტი. ანუ არტისტებზე შესაბამისად პასუხსაც არავინ აგებს როგორც კლასიფიკატორი. და, შესაბამისად, იმის საშიშროებაც არ იქმნება, რომ ასეთი ღია კარის ღირებულებების სიტუაცია რომელიმე არარსებულ მარკეტ სერიოზულ ფინანსურ არეულობას შეუქმნის. როგორც ჩანს, იმაშიც, რომ ყველაფერს საკუთარი სახელი დაერქვას, კაპიტალი განმსაზღვრელი ფაქტორი იქნება, თუ ასეთი რამ როდისმე განხორციელდა ჩვენთან, ასე თუ ისე უახლოეს მომავალში.

ფანტაზიორობას რომ თავი დავანებოთ, არტისტერიუმი, რომელიც წელს მესამედ ტარდება და, პრინციპში, სულაც არ არის ბაზარი, არამედ უბრალოდ საერთაშორისო გამოფენა მხატვრებისთვის, ერთი დიდი გალერეაა, სადაც მათ შეუძლიათ ერთმანეთის ნამუშევრებს გაეცნონ, შექმნან დისკუსია თანამედროვე ხელოვნების დღევანდელი ეტაპის საერთო მახასიათებლებზე და დამთავალიერებელს მრავალფეროვანი და ორგანიზებული გამოფენა შესთავაზონ. ამ ბოლო პუნქტს საგანმანათლებლო ასპექტიც შეიძლება მიემატოს, რაც გულისხმობს მოუმზადებელი მაყურებლისთვის არტისტული კონცეფციების დეტალურ განმარტებებს, არტისტებთან საუბრების გამართვას, ორგანიზებული ტურებს ექსპოზიციის გასაცნობად. სხვა თუ არაფერი, როდესაც მარკეტი არ არის, მაშინ ალბათ აუცილებელიც ხდება ამ დეფიციტის შევსება შემეცნებითი და საგანმანათლებლო პლასტით. ეს საკითხი 2008 წელს, პირველი არტისტერიუმის დროს მოწყობილ კრიტიკოსებისა და კურატორების მრავალ მაგიდაზე ნიუ იორკის პარსონსის დიზაინის სკოლის დეკანმა ლიდიამ მეთუხმა წამოჭრა. მან მოიტანა მაგალითი, რომ თვით დღევანდელ ამერიკაშიც კი თანამედროვე ხელოვნების გამოფენებზე ხშირად საშუალო სკოლის მოსწავლეებს ანდა უბრალოდ მეზობელ მოსახლეობას სთავაზობენ გიდიტთ თანხლებული სპეციალური დათვალიერების პროგრამებს. იმისთვის, რომ ასეთმა მასშტაბურმა გამოფენამ რეალური სოციალური ფუნქცია არ დაკარგოს, მან არა განყენებული და გაუგებარი ელიტარულობის იმიტაცია უნდა შექმნას, არამედ რეალურად უნდა შეძლოს დაიკავოს საკუთარი ადეკვატური ადგილი დღევანდელი საქართველოს რეალურ კონტექსტსა და საზოგადოებაში.

ამ კუთხით ძალზე მახვილგონივრული აღმოჩნდა მხატვარ ოლეგ ტიმჩენკოს დაუგეგმავი პერფორმანსი, როდესაც ის გახსნა ლიმიზინით და გაძლიერებული დაცვის თანხლებით მივიდა. შავი ფერის კოსტიუმებიანი სიკუთრის ფონზე მას რუხი ფერის კოსტიუმში ეცვა და სრული სამსახიობო მონაცემებით შექმნილ შემოევლო ქარვასლის თბილისის ისტორიის მუზეუმის ყველა სართული და ოთახი. ის, რომ რაღაც მნიშვნელოვანი ხდებოდა, ყველამ ვიცოდით – არტისტებმაც, კრიტიკოსებმაც, სტუდენტებმაც, გარეთ შემთხვევით გამვლელებმა თუ გამოფენაზე მოსულმა ადამიანებმაც. ასეთ დროს, როცა ასეთი კარნავალური მნიშვნელოვნებაა წინ წამოსული, არავის სცალია სხვა რამისთვის, გარდა ერთმანეთისა. ოლეგ ტიმჩენკოს პერფორმანსმაც სწორედ ამ თვითრეფლექსიურ მნიშვნელოვნებას გაუსვა ხაზი, უბრალოდ უფრო გააძლიერა ის და სანამ ყველა გონს მოეგებოდა და გაუცნობიერებლად მნიშვნელოვნების ამ ერთი დამატებითი დღესასწაულის სპექტაკლს შეტრფოდა, ალბათ მხოლოდ ის თუ ჩათვალეს, რომ ოლეგ ტიმჩენკო სეკურიტის და VIP-ს დასცინის; ანდა საერთოდ არაფერიც არ ჩათვალეს და იფიქრეს, რომ ოლეგ ტიმჩენკოს რაღაც სულოლოური აკვიატება ან განდიდების ფარული მანია აქვს. ამასთან, ისიც, რომ ოლეგ ტიმჩენკოს ნამუშევარი გარედან შემოსული უცხო სხეული იყო გამოფენის პროგრამისათვის, სწორედ ჩვენში არსებული თანამედროვე ხელოვნების რეალურ სტატუსზე პირდაპირ მიუთითებდა. როდესაც მხატვარი ასე ლაკონურად და ზუსტად ახერხებს შექმნას შინაარსობრივი წინააღმდეგობებით და ამბივალენტური ირონიით აღჭურვილი, მაგრამ მწყობრი სტრუქტურით აგებული პერფორმანსი, ეს მხოლოდ მისი სამხატვრო რეალიზაციის მასშტაბზე მიუთითებს. აქ მას უკვე კრიტიკის ობიექტიც აღარ გააჩნია, ასეთი ნამუშევარი ტრანსცენდენციას ახდენს, როგორც საკუთარი ობიექტის, ასევე ის სოციალური კრიტიკის, სადაც მისი ათვლის წერტილი იყო თავიდან. ასეთი პერფორმანსის მერე ყველაფერი ისტორიის მიღმა დარჩენილ ნახატს ჰგავს, ამბავად განხორციელებას ძალაუფლების რაღაც სიმულაკრისა თუ სტრუქტურის. მისი წლებიდანელი “სამკაულის” გამოფენის მსგავსად ოლეგ ტიმჩენკოს ნამუშევრებში დეკორატიული პომპეზურობისა და უწყინარი კლოუნადის მიღმა ხშირად აუთენტური ავანგარდისათვის დამახასიათებელი მძაფრი სოციალური კრიტიკა და საგანთა ღვთაებრივი სოლიპსიზმი იმალება.

ასეთი



სტრუქტურალისტური პერფორმანსის მერე ამერიკელი არტისტის ლედოს პერფორმანსი უბრალოდ თეატრალურ წარმოდგენად მოჩანდა, რომელიც დროში ფაქტიურად იგივე მონაკვეთს იკავებდა გამოფენის გახსნაზე. ლედო 2008 წელს თბილისში იყო და წელს უკვე მეორედ იღებდა მონაწილეობას ამ თბილისურ გამოფენაზე. ლედოს პერფორმანსი არის ბუტოს ტიპური წარმოდგენა, რომელიც მართლაც ძალიან უნდება საგამოფენო სივრცეს, ან ქუჩას, უფრო მეტად, ვიდრე თეატრის სცენას მოუხდებოდა. ბუტო მეორე მსოფლიო ომის შემდეგ, 50-იან წლებში დაიბადა იაპონიაში და თანამედროვე და პოსტმოდერნისტული ქორეოგრაფიის და საცეკვაო თეატრის განუყოფელი ნაწილად იქცა. მოძრაობების უკიდურესი შენელების გზით მისი ფილოსოფია ეყრდნობა სხეულის მიმართ მაქსიმალური ყურადღებისა და დეტალური გაცნობიერების მიღწევას, ერთგვარ სხეულებრივ საკრალურ დესტრუქტურიზაციას, რაც მაყურებელზეც შესაბამის ეფექტს ახდენს. ასეთი შენელებული მოძრაობების დროს მოცეკვავის სპონტანური ტრაექტორიები თითქმის ძალზე ხანგრძლივი, მოსაწყენი და დამლული უნდა გახდეს, სინამდვილეში კი, პირიქით, აქ დრო საერთოდ კარგავს ფუნქციას და ყველაფერი ერთ მოულოდნელ და სიზმრით სწრაფ ისტორიად გადაიქცევა. როგორც წესი, ბუტო ხშირად ტაბუ დადებული თემებს იყენებს საკუთარ ამოსავალ წერტილად. ამ შემთხვევაშიც არტისტმა სკამიდან დაიწყო მოქმედება და მინიშნებას პირდაპირი დასვა - ონანიზმი და პრივატული ეროტიკული ტერიტორია. მიუხედავად ამისა, მას, და მერე უკვე სკამზე დატოვებულ ხელოვნურ ფალოსს, რამდენიმე ფოტოკამერა დაეინებოდა უთვალთვალებდა. თეთრი გრიმით დაფარული ლედო ცდილობდა გაქცეოდა ამ გაუჩერებელ კონტროლს, არა მხოლოდ კამერების, არამედ მის თავს ზემოთ წამომართული იარაღებისაც. ერთ ფოტოგრაფ გოგონას უცხად

გამოვიკიდა კიდეც, სულ ოდნავ მოუმატა ტემპს და ეს ახალგაზრდა ქალი დამფრთხალი გაიქცა და ცდილობდა ხალხში დამალულიყო, რადგან ლედოს ექსპრესია ნამდვილად გამოვიდების და დევნის ჰქონდა. მოკლედ, მართლა რაღაც სიზმარს დაემსგავსა ეს ყველაფერი. ზოგს ალბათ ეგონა, რომ ეს პანტომიმა იყო, სინამდვილეში კი მათ ბუტოს ოსტატის შესანიშნავი ნამუშევარი იხილეს. თუ წლებადელი არტისტერიუმის გამოფენის თემას წარმოიდგინე მომავალი~ გავითვალისწინებთ, ლედო აქ მეტი შინაგანი და კერძო თავისუფლებისა და საზოგადოებისგან ინდივიდის დადანაშაულების შემცირებისკენ მოგვიხმობდა. ევროპის სახლში ფოტოგამოფენის დროს აივანზე ერთად აღმოვჩნდით და ვკითხე, მიაჩნია თუ არა მას ბუტოდ, რაც თბილისში წარმოადგინა. მან მიპასუხა: "ოჰ, დიახ, მაგრამ ბოლო დროს ვცდილობ, უფრო ვიდეო არტი გავაკეთო" - თითქოს მობუზრებული ჩანდა ამით და რაღაც ახლის მოლოდინში იყო. ასე რომ, საკუთარი მომავალი ლედოსაც უკვე წარმოდგენილი ჰქონდა და ალბათ ამ სფეროშიც ის საკუთარ ზრწინვალე პერფორმატიულობას ვერ შეეღევა.

ნამუშევარი, რომელიც ცენტრალურ ოთახში კედელს მიღმა არსებულ პატარა სივრცეში აღმოჩნდა, განსაკუთრებულ ხაზგასმას იმსახურებს, როგორც ყველაზე ფერწერული და ყველაზე გაბედული ექსპონატი. ბერლინელმა მხატვრმა ჰაინერ მულენბროკმა პროვოკატიული და უადრესად ცოცხალი ნამუშევარი შესთავაზა თბილისურ გამოფენას. "სექსი საოჯახო ხელსაქმე ხდება" - ასე ერქვა მის ფოტო ინსტალაციას, რომელიც პირდაპირი არტეფაქტების კოლექცია იყო ინტერნეტში ნაწახი სექს ჩატებიდან და პრივატული ეროტიკული ალბომებიდან მსოფლიოს სხვადასხვა კუთხეში მაცხოვრებელი ქალებისა და დიასახლისების. ჰაინერ მულენბროკი საკუთარი თავის ძიების, იდენტურობის თემას ეხება, ხოლო მისი კედელი სათვალთვალ ტელევიზიის დახურული სისტემის მონიტორების იმიტაციით წითელი და ლურჯი სპექტრის შესანიშნავ ფერწერულ პანოს ქმნიდა. ამ ფერებს იყენებდა ამერიკული ბურლესკი და პინ-აპი 50-იან წლებში, ხოლო დღეს აქ უბრალოდ დიასახლისი ან საზოგადოებრივ სამსახურში მყოფი ქალები არიან წარმოდგენილი, რომლებიც ყოველგვარი ანაზღაურების გარეშე, მხოლოდ საკუთარი სასიცოცხლო ენთუზიაზმს აყოლილი საკუთარი ბინებიდან ანონიმურ შიშველ სხეულებს, საკუთარ დეკორაციებს და არამასობრივ ეროტიკულ დიზაინს სთავაზობენ ინტერნეტის ასევე ანონიმურ და უხილავ მსოფლიო მომხმარებელს.

სტატისტიკის მიხედვით ინტერნეტის გამოყენების 95 პროცენტს სწორედ ეროტიკული მოტივაცია შეადგენს. ერთი უთვალთვალებენ, მეორე კი, ლედოს კონცეფციისგან განსხვავებით, სწორედ ამ თვალთვალის მოსურნეები არიან. მოწყვნილობისა და ერთფეროვნების ფონზე საკუთარი თავის პოვნის და დადგენის სურვილი, როგორც ჩანს, ისევე აკრძალულ და საშიშ ტერიტორიებს ეხება, სადაც სექსუალობა სულაც არ არის ბოლო ადგილზე. ასეთი თემატიკა ყოველთვის მიუღებელი და დეკადენტური იყო და დღევანდელი რეაბლიტაციების მიუხედავად, მაინც ასეთად რჩება თანამედროვე ხელოვნების კრიტალური მორალური სივრცელითა და ნეტარი სისუფთავით შეპყრობილობის ფონზე. ისევე, როგორც ოკულტურა (ოკულტისტური და უხილავის თემატიკით მკვეთრად განპირობებული ხელოვნება, სადაც კუნთ ანგერი ერთადერთ აღიარებულ არტისტად რჩება) ანდა მაქსიმალურად არამატერიალური, ტელეპატიური არტი (რაც მარინა აბრამოვიჩის და კიდეც რამდენიმე ერთეული არტისტის მნიშვნელოვანი ინოვაციაა თანამედროვე ხელოვნებაში), სექსუალობასთან დაკავშირებული ნებისმიერი ღია დამოკიდებულება მიუღებელ ტონად მიიჩნევა. მიუხედავად იმისა, რომ სექსუალობის ყველაზე მძაფრი და უკიდურესად ბრუტალური სახეებით დატვირთული 70-იანი წლების ვენის აქციონიზმი (ოტო მიული, ჰერმან ნიჩი) რამდენიმე წელია, ლუვრის დონეზეც ქმნის უკვე პრეცედენტს. შეიძლება ეს მხოლოდ იმის ბრალია, რომ თანამედროვე ხელოვნებას, მიუხედავად და შედეგად პოსტმოდერნისტული უსაზღვრო ღიაობისა, უჭირს, დაუბრუნდეს აუთენტური და არქეტაპული სიმბოლოების დიდი ხნის წინ დავიწყებული სამყაროს. სიმბოლოების ენის გარეშე კი ეს თემატიკა, რასაც სექსუალობა და ადამიანისთვის ასე უმთავრესი თვითიდენტიფიკაცია ჰქვია, სულ უფრო აკრძალული, ტაბუირებული და გაყალბებული გამოდის, მეტი თავისუფლებისკენ, პროგრესისა და განათლებისკენ თანამედროვე ეპოქის სწრაფის მიუხედავად.

2010 წლის არტისტერიუმზე, როგორც ადრე, ერთ-ერთი საუკეთესო იყო ამერიკელების ოთახი, წარმოდგენილი ვიდეო ნამუშევრები კი ძალზე მზიარული, დამაფიქრებელი და ესთეტიკურად რაფინირებული აღმოჩნდა. მილა პეპიმ ქონის მსგავსი ინსტალაცია-ქსელი შექმნა საქოვი ძაფების, რომლის სხვადასხვა კუთხეებში ადგილობრივი ხანშიშესული ქალები იყვნენ ჩართულნი ქსოვის პროცესში. პოსტკომუნისტური ნოსტალგიის მწუხარე ან მოწყენილ ჩვეულ თბილისურ სამოსში გამოწყობილი. თავიდან დამახვეული იყო მათი დანახვა, თითქოს სწორედ აქ არაფერი ესაქმებოდათ და რომელიმე პროვინციული ბიბლიოთეკის თუ სადღაც შემორჩენილი უქმად მყოფი დაწესებულების სივრცეიდან იყვნენ აქ



მოხვედრილი. შეიძლება ეს ასეც იყო, მაგრამ ამერიკელმა არტისტმა რეალობის ჩვენება შეანიშნავდ მიახერხა, და არა მხოლოდ მათი რეალობის, არამედ საერთოდ არტისტიკულის რეალური ადგილობრივი კონტექსტის. ამ ფერადი ძაფების და მხიარული უაზრო ინსტალაციისა და საქმიანობის ფონზე, ყველაფერი მართლაც მისაღებად და შედარებით ასატანად გამოიყურებოდა, ვიდრე ჩვეულებრივ გვეჩვენება ხოლმე, როგორც მძაფრად კონტრასტული და კონფრონტაციული. ასეთივე იოლი განწყობის იყო ივენ როთის ვიდეო "გრაფიტის ანალიზი 3.0" - მიუხედავად სტრუქტურული და ენობრივი დატვირთულობისა, ის ძალზე სასიამოვნო სანახავი იყო. როგორც 2 წლის წინ, ამერიკელების ისევ კურატორებმა ლიდია მეთიუსმა და ლორი ლაზერმა წარმოადგინეს. ქარვასლის გარდა არტისტიკულში კიდევ 7 საგამოფენო სივრცეში იყო ექსპონირებული - გალერეა აკადემია პლუსში, ევროპის სახლში, სამხატვრო აკადემიაში, გოეთეს ინსტიტუტში, ლიტერატურის მუზეუმში, გალა გალერეაში და ნიუ არტ გალერეაში. ასევე, გამოფენაზე ჩართული იყო რამდენიმე გაერთიანება ესტონეთის ლითოგრაფიული ცენტრის, საბერძნეთის, ირლანდიის, ისრაელის და პოლონეთის არტისტების, წარმოდგენილი იყო წელს ფოთში არტაქტივის მიერ მოწყობილი ხელოვნების რეგიონალური ვორკშოპის ვიდეო დოკუმენტაცია და თბილისის ისტორიის მუზეუმის 100 წლისთავისადმი მიძღვნილი პროექტი "კავასიელები". საგამოფენო ტერიტორიის შესასვლელში მაყურებელს ზაზა ბაზელის ნამუშევარი "რითმი: ზღვა, მზე" სვდებოდა, როგორც მომავლის წარმოდგენის გამჭვირვალე შესაძლებლობა - წყლის ზედაპირზე არეკლილი მზის სხივები საუკეთესო ქარვას ქმნიდა ამ ბუნებრივი და თითქმის არამატერიალური მასალისაგან და როგორც ვიდეო გამოსახულების ერთადერთი ზედი, შეგახსენებდა, რომ ნებისმიერი საშუალება, თვით ვიდეო ჩანაწერიც, ბუნებრივი სტიქიების უბრალო და მშვენიერი პროდუქტია. მართალია, ცეცხლისა და წყლის ანტიკური სტიქიები აქ თვალშისაცემად არ ჩანდა, მაგრამ ცხადია, ეს ნამუშევარი რაღაც მთავარ კომპონენტებზე მიგვიბრუნებდა - ბუნებასა და ტექნოლოგიაზე ერთდროულად. ეს მხატვარი საქართველოს თანამედროვე ხელოვნების სცენაზე, თუ არ ცვდებოდა, პირველად გამოჩნდა და არტისტიკულ კურატორის მაგდა გურულის სრულიად მართებული საქსპონზიციო შერჩევა და ყურადღება დაიმსახურა.



მიორე
ნამუშევარი,
"დროშა"
ასევე
ფრაგმენტის
მეთოდით
არის

წარმოდგენილი, როგორც დროშის ერთი კალთის მონაკვეთი. ამერიკელი პოპ არტისტის ჯასპერ ჯონსის ამერიკის დროშიდან დაწყებული ეს საგანი უკვე საბოლოოდ ერთხელ და სამუდამოდ დადგენილად შეიძლება მოიაზრებოდეს, როგორც პოსტმოდერნიზმის თვითრეფლექსიურობისა და ამბივალენტურობის აქტიური სიმბოლო - როგორც ჩარჩო, სურათი, ნიშანი და თვითკმარი საგანი ერთდროულად. ასეთი დადგენილი საგნის მხოლოდ ერთი ნაწილის ჩვენება, ხაზს უსვამს რომანტიკულ განწყობას, რომ დროშა, ყველაფრის მიუხედავად, უნდა ღელავდეს და მისი კალთა ტალღებს უნდა იკეთებდეს. ან ეს ფრაგმენტი მხოლოდ ადამიანური ნოსტალგიაა დროშის განვლილი და დავიწყებული მღელვარე ისტორიის.

დროშის თემატიკას რაც შეეხება, ის ფაქტობრივად მთლიანად ავსებდა გალა გალერეაში წარმოდგენილ ბერლინში მცხოვრები ახალგაზრდა ქართველი მხატვრის უოტ'სის პერსონალურ გამოფენას, რომელსაც ქართულად დაახლოებით ასე,

გაჭრისთვის~ ერქვა. ეს ძირითადად იყო სარკეებზე შესრულებული ნამუშევრების სერია, სადაც ცენტრალური ალბათ რევოლუციური, საბჭოთა დროშის მსგავსი სილუეტი იკითხებოდა, ხოლო დანარჩენი ექსპონატები სხვადასხვა აქტივისტურ სლოგანებზე და ლოზუნგებზე მინიშნებებს წარმოადგენდა. მაყურებელი ამ სარკეებში საკუთარ თავს ხედავდა, თითქმის მხატვარი პუბლიკის სინდისს იწვევდა, რამდენად გულანდილები იყვნენ ისინი ჰუმანურობისა და სამართლიანობისათვის ბრძოლაში, ან შეიძლება ყოველგვარი პოლიტიკური დაძაბულობების წყაროდ თვითონ ადამიანის ეგზისტენციალურ საკითხს აყენებდა.

თანამედროვე ხელოვნების მდგომარეობა დღევანდელ მსოფლიოში ასეთია - მხატვრების უმეტესობა კონცეპტუალური ხელოვნების ბაზისზე დაყრდნობით უბრალოდ ფილოსოფიის საკითხს აყენებდა, ან უარესი, პოლიტიკურ დეკლამაციებს აკეთებდა.

დასაწყისი, რომ კატალოგი არ არის აღჭურვილი ქართული ენის ტექსტით. ერთი მხრივ, ეს მიაჩნდება, რომ ის განკუთვნილია ექსპორტისათვის, მაშინ, როდესაც ჩვენს შემოსახელობაში კონტექსტში ასეთი გამოფენას უფრო იმპორტის მოტივაცია უნდა ამოძრავებდეს. ქართულ ენაზე დამთავალიერებული მხოლოდ მისასალმებელ სიტყვებს ნახავს, მაგრამ ვინც ინგლისური არ იცის, ასეთი კი ბევრია თვით მონაწილე მხატვრებს შორის. კერაფერს გაიგებს ჩინელი არტისტის ინგმეი დუანის კონცეფციის შესახებ. ხოლო, თუ იმასაც გავითვალისწინებთ, რომ თანამედროვე ხელოვნებაში ნაწარმოებების უმეტესობას ესაჭიროება გზამკვლევი მის კონცეპტუალურ, მართლაც რომ, ლაბირინთებში გასარკვევად, მაშინ ეს წიგნი დღევანდელი საქართველოს სიტუაციისთვის მხოლოდდა მორიგ მისტიფიცირებულ არტეფაქტად დარჩება. ინგმეი დუანთან ერთად ასეთი დესკრიფციული ტექსტები აქვს პარკ ბიუნგ უეს, ბრუს ალანს, არნო კონტერასს (ამ ავტორის ნამუშევრები მხოლოდდა უბრალოდ ფოტოა ამის გარეშე), ლუიჯი კომპოლას, ზურა ჯიმკარიანს და სხვ.

თუმცა, როგორც ყოველთვის ამ დეფიციტს მაინც ავსებდა თანამედროვე თეორიული პროგრამა-სესია, რომელიც მთელ დღეს გასტანს ხოლმე. ამჯერად ეს იყო 4-5 ოქტომბერს გამართული თანამედროვე ხელოვნების საერთაშორისო სიმპოზიუმი, რომელიც საქართველოს კულტურისა და ძეგლთა დაცვის სამინისტროში და საქართველოს გოეთეს ინსტიტუტში გაიმართა ნინო ჭოდოშვილის კურატორობით.

14 გამომსვლელი, რომელთა შორის იყვნენ შვეიცარიის კუნსტილუტენის მთავარი რედაქტორი კლაუდია იოლესი, ბელგიელი კურატორი და კრიტიკოსი ბარბარა ვანდერლინდენი, ისრაელის დიგიტალური ხელოვნების ცენტრის დირექტორი იელ დენონი და სხვ. მიმოიხილავდნენ ისეთ საკითხებს, როგორიცაა: რამდენად სჭირდება ბიენალე თბილისს; საერთაშორისო გამოფენის მნიშვნელობა არტ სცენის განვითარებისა და ინტერნაციონალიზაციისთვის და სხვადასხვა ტიპის ინიციატივების როლი სახელოვნებო სივრცეების ჩამოყალიბების პროცესში.

არტისტერიუმის წლებადელო გამო-ფენაზე ასევე საუკეთესო იყო ალიმ რეინაშვილის, ილიკო ზაუტაშვილის (არტისტერიუმის დირექტორი), ალი ბრამველის, ლევან ჭოდოშვილის ნამუშევრები. ზოგიერთი ექსპონატი ადრინდელი იყო და დამთავალიერებლისთვის კარგად ცნობილი. თუ ასეთ ისტორიულ ასპექტს მომავალშიც გაითვალისწინებენ კურატორები, კარგი იქნება, თუ აქ უახლესი ქართული მხატვრობიდან რომელიმე პროგრამით წარმოდგენილი იქნება აბსტრაქციონისტთა პირველი ჯგუფი ისევ ილიკო ზაუტაშვილის, გელა ზაუტაშვილის, გია ეძვერძის, ლუკა ლასარეიშვილის, გია მგალობლიშვილის და, რა თქმა უნდა, ალექსანდრე ბანძელაძის შემადგენლობით.

ასეთი პროგრამული რეპრეზენტაციები, შემოსახელობაში დისკუსიების გაფართოებასთან და ბეჭდური ატრიბუტიკის გაზრდასთან ერთად, მხოლოდ მოეხმარებოდა საქართველოს თანამედროვე ხელოვნების კონტექსტის გამდიდრებას და დახვეწას, მის დაახლოებას ფართო საზოგადოებასთან და ცალკეული, ხშირად განზე დარჩენილი ან ერთმანეთისგან რადიკალურად განსხვავებული მხატვრებისა თუ სამხატვრო სკოლების აუცილებელ კლასიფიკაციასა და ქრონოლოგიურ დისკურსებს მომავალი საგანმანათლებლო, საარქივო და სამეცნიერო მიზნების გასაიოლებლად.

მხატვრობასთან ახლოს

პოეტი და




ქურნალისტი პაატა ნაცვლიშვილი დიდი ხანია, ცნობილია საკუთარი სამოგზაურო პუბლიცისტიკით, მისი რეპორტაჟები მსოფლიოს სხვადასხვა კუთხიდან ყოველთვის საინტერესო საკითხავი იყო. იაპონელი პოეტების მსგავსად, ის ბევრს მოგზაურობდა და პოეტური ექსპერიმენტებიც ყოველთვის ბავშვებით უნაროდა და აინტერესებდა, ამჯერად კი ჩვენს წინაშე მისი იაპონური მოგზაურობის შთაბეჭდილებათა წიგნია, "ნამდვილი ქალაქის წერო". დიახ, ადრე იაპონელი პოეტებიც, როგორც წესი, მცირეფორმატიან ლექსებს, ჰაიკუს წერდნენ, მაგრამ ბევრს მოგზაურობდნენ და გზაზე მუდმივად დღიურის ტიპის პროზაულ ჩანაწერებსაც აკეთებდნენ, რაც ცალკე ჟანრად ჩამოყალიბდა და ჰაიბუნი ეწოდებოდა. სწორედ ამ ჩვენთვის ახალ, კლასიკურ იაპონურ ტრადიციას უკვე პირდაპირი მნიშვნელობით ამკვიდრებს პაატა ნაცვლიშვილი და ფოტოების თანხლებით გვიყვება იაპონიაზე. მეტიც, პაატა ნაცვლიშვილის ახალი წიგნი ცალკე ფოტოგამოფენითაც იყო თანხლებული, რომელიც თიბისი-ზანკის გალერეაში გაიხსნა დეკემბერში, რაც, ალბათ, ისევ იმას შეგვახსენებს, რომ პოეზიასთან ყველაზე ახლოს მართლაც ფოტოგრაფიაა, ისიც ხომ სწორედ წამის განუმეორებლობას მისდევს ყოველთვის. მთელი ეს წიგნი კარგადაა შეკრული ჰაიკუს, ფოტოებისა და ქურნალისტური ნარკვევების მონაცვლეობით, საიდანაც არა მხოლოდ ამოგვალი მზის ქვეყნის შესახებ ვიგუბთ, არამედ ავტორის ამ ქვეყანასთან დაკავშირებულ ბევრ პირად საინტერესო გამოცდილებასაც შევტიყობთ. საქართველოში იაპონური კულტურის გამოცდილებაც ქურნალისტის არქივში გამორჩეული ყურადღებით და მომხიბლავად დალაგებულია. წაიკითხო პაატა ნაცვლიშვილის წიგნი "ნამდვილი ქალაქის წერო"~ ნიშნავს, თავად იმომგზაურო იაპონიაში და ყველა კუთხიდან თვალნათლივ დაინახო ის – ძენის ბაღებიდან დაწყებული, კიმონოთი და იმპერატორებით დამთავრებული, აქ იაპონიის ძველი და ახალი ცხოვრება გადაიშლება თქვენს თვალიწინ. წიგნში საინტერესო დამატებაა მოგზაურობიდან შემორჩენილი ეფემერაც - ტრანსპორტისა თუ მუზეუმის ბილეთები, კონვერტები, გზამკვლევები, სავიზიტო ბარათები, ის, რასაც ჩვენ ყველანი განსაკუთრებული სიყვარულით ვუფერთობდებით ხოლმე მოგზაურობიდან დაბრუნებისას, როგორც მყიდვე, მაგრამ ერთადერთ ხელშესახებ კავშირს სასიამოვნო წარსულის ხსოვნასთან. ავტორის ერთი ვიზუალური ლექსი კი ნამდვილად იაპონური სისადავისა და სტანდარტის მქონე აღმოჩენაა, ის წრიულად იკითხება და მოკლე ვერსიით ასე იქნება - თOKYOთO, რაც ძველი და ახალი იაპონიის დედაქალაქებს, ტოკიოსა და კიოტოს აერთიანებს, როგორც წარსულისა და მომავლის უწყვეტ კავშირს, რისი ჩვენებაც პაატა ნაცვლიშვილმა შესანიშნავად მოახერხა. მოგზაურობის ორგანიზატორი იყო იაპონიის საგარეო საქმეთა სამინისტრო და იაპონიის საელჩო საქართველოში.

დებიუტი

2010 წლის 2 მარტს სამხატვრო აკადემიის საგამოფენო დარბაზში სახვითი ფაკულტეტის I კურსის სტუდენტის, ლევან სონდულაშვილის პერსონალური გამოფენა მოეწყო. გამოფენა აგვისტოს ომში დაობლებული ბავშვების მხარდაჭერას ისახავდა მიზნად. გამოფენის გახსნას ესწრებოდა ფონდ "იავნანას" დამფუძნებელი, პაატა ბურჭულაძე. ექსპოზიციაზე წარმოდგენილი იყო ყოფით, ალეგორიულ, ბიბლიურ, მითოლოგიურ თემებზე შექმნილი კომპოზიციები, სხვადასხვა მასალით შესრულებული ფსიქოლოგიური პორტრეტები ...

ლევან სონდულაშვილი რამდენიმე პერსონალური გამოფენის ავტორი და საერთაშორისო და საქალაქთაშორისო გამოფენა-

კონკურსებსა და ფესტივალებში გამარჯვებულია. ახალგაზრდა შემოქმედი ხელოვნების სხვადასხვა სფეროში აღწევს წარმატებებს. იგი თვითნასწავლი პიანისტია, სმენით აწყობს და უკრავს კლასიკურსა და ჯაზურ ნაწარმოებებს, ქმნის მუსიკალურ კომპოზიციებს; წერს ფსიქოლოგიურ მოთხრობებს, პროზას, ლექსებს, პიესებს... განათლების სამინისტროს მიერ მოწყობილი პროექტის ფარგლებში, "ინკლუზიური განათლების განვითარება საქართველოს 9 რეგიონის საჯარო სკოლებში", სამხატვრო აკადემიიდან 18 წლის სტუდენტი გაიგზავნა სკოლის კედლის მოსახატავად და მინისტრის მიერ დაჯილდოვდა. ამავე წელს ლევანის მიერ I კურსზე შექმნილი საპროგრამო ნამუშევარი ხატვის კათედრაზე გამოიფინა, რაც აკადემიის წიგნშია შეტანილი. სხვადასხვა წარმატებისთვის იგი ქვეყნის პრეზიდენტმა დააჯილდოვა.



Like

0

Tweet

0